

# *LESWAO LA SEBATA*

 Ke a go leboga. Gomme o rile, “A nke ke iphihle nnamong ka go Wena.” Gobaneng, ke nagana seo se botse kudu. Ke rata seo kgonthe, gabotse ka kgonthe. Ke a le leboga ka botho.

Gomme yona “Morago ga sekalela se sebotse,” go lena bohole, “mantšiboa,” le ditšhegofatšo tša Modimo di be le lena bohole.

Bjale, ke, gape, bošegong bjo, monyetla wa rena go bula matlakala a Lentšu morago, mo, go ithuta. Ke—ke rata go opela; ke no go rata. Gomme ka mehla ke be ke re go batho, “Ge o fihla Legodimong, ge o sa kgone go nkhwetša go dikologa Terone felotsoko, eya godimo moo ba opelago.” Gomme ke—ke nyaka go ba fao. Gomme ke rata moopelo wo mobotse. Eupša, mo nakong ya—ya kopano ya Ebangedi, moo diphetho di swanetšego go dirwa, ke a nagana, “Feeła pina goba tše pedi, gomme ka pela go Lentšu. Efa nako go Lentšu.” Le a bona? Gobane seo ke kgwekgwe—kgwekgwe ya selo: ke go otlologa go Lentšu.

Go be go le yo mongwe ka mo, batho go tšwa ka ntle ga toropo, ba dula ka ntlong tša go lokologana, feela ka morago ga lefelo, gore ke be ke swanetše go kopana ka pela gannyane mo morago ga sekalela, feela pele ga ditirelo. Ge ba le fa: ke maswabi gore ga se ke hwetše go phethagatša peelano yeo; gomme ke tla le bona ka pela morago ga ge tirelo e fedile; le go ntshwarela bakeng sa go re, “Ke tla ba mo,” mola ke, dilo tše dingwe di tlie godimo, tše, nka se kgone go ba mo ka nako.

Bjale, gosasa bošego . . . Ka mehla re tšweletša selo se tee, Morena Jesu Kriste, yeo ke phetho, le e ka ba eng thato Kgethwa ya Gagwe e lego bakeng sa rena go dira. Eupša ge e le thato Kgethwa ya Gagwe gosasa bošego, go *Leswao La Modimo*, re ya go bolela, ge Morena a rata.

<sup>2</sup> Gomme bošegong bjo, re neela ntle, ge A . . . e ba monyetla wa Gagwe go rena go e dira, goba monyetla wa rena go rena go Mo direla, a ke re, bošegong bjo, re nyaka go bolela ka ye nngwe ya dithuto tše bohlokwa kudukudu tša iri: *Leswao La Sebata*.

<sup>3</sup> Gomme bošegong bja go feta re be re le ka go mabaka a kereke, *Mabaka A Šupago A Kereke*. Gomme mathomong ka Lebaka la Kereke ya Efeso, la Efeso; le go felela godimo ka go Lebaka la Kereke ya Laodikia, lebaka la mafelelo la kereke. Gomme a nke Morena a oketše ditšhegofatšo tša Gagwe bjale go Lentšu ge re bolela.

<sup>4</sup> Bjale a re ka no inamiša dihlogo tša rena ka nakwana ya thapelo, feela pele re bula Lentšu le Lekgethwa le.

5 Tate wa Magodimong yo botho, re thabetše monyetla wo re nago le wona bošegong bjo, go phela, le go ba mo lefaseng, bošegong bjo, le go ba le go phelega le maatla, le go kgona go dula ka moagong, moo Lentšu la Modimo le balwago.

6 Gomme re a rapela, O Molopolodi wa go šegofala, go beng Molopolodi wa rena wa Lelokokgauswi Yo a re hlatswitšego ka Mading a Gagwe, le go re hlwekisa go tšwa sebeng, gomme bjale go re neela go Tate, go se bošaedi, ka go Kriste Jesu; a nke O tle, bošegong bjo, le go tšeа Lentšu le go Le bula go dipelo tša rena. A nke Moya wo Mokgethwa o sware Lentšu bjalo ka ge Le rutilwe, gomme a nke Le ye thwi go senepša sa lona, go pelo ye nngwe le ye nngwe, pelo ya ka le pelo ya batheeletši. Bjalo ka ge re O hloka, Tate, a nke O neelwe. Gomme a nke go se be yo a tšeago sekgorika pa Lentšu. Gomme, Tate, ge nako e ka ba efe yeo ke swanetšego go bolela se sengwe seo se tla bago kgahlanong le tlhahlo ya Gago, a nke Moya wo Mokgethwa o emiše molomo wa ka. Ke hlologela feela go tseba se e lego Therešo, gomme ka gona go sepela ka go yona.

7 Re šegofatše mmogo bjale, re lebalele dibe tša rena, bjalo ka ge re kgobokane ka go ntlo ye ya thapelo. Gomme a nke dibe tša rena di be ka tlase ga Madi, gomme meboya ya rena e beilwe ka go mokgwatebelelo wa maleba wa thapelo mo nakong ye. Ka gore re e kgopela Leineng la Jesu. Amene.

8 Bjale, ke be ke sa no nagana, karolwana ye nnyane ye ya lephephfa, ke be ke ngwadile Mangwalo a mmalwa go... a go šupa go, go bala, go thoma. Gomme bjale ge ke fihla godimo fa, go bonala eke ga ke ikwele go bala e ka ba lefe la wona. Yeo ke ka mehla tsela ye e yago; tše nne goba tše tlhano dihlogo tše nnyane go thoma.

9 Eupša ke nyaka go bala goba go bolela se pele, gore, go boleleng, ga se nke ka tšeа kgopolon. Le a tseba, mohlomongwe, feela bjalo ka ge... ga se ka beakanya se nka se bolelago go feta ka mo le dirago, le a bona, ga go selo. Ke no Mo letela. Gomme feela bjalo ka ge ke e bona, ke no obeletša le go e hwetša, le go e neela ntle. Gomme ka gona dinako tše dingwe e ka no kwagala makgwakgwa gannyane, nako ye nngwe, eupša e no ba tsela e nnoši ke e amogelago. Kafao yeo—yeo ke tsela e nnoši nka kgonago go e fa.

10 Bjale, ka go se, a nke se... ke bolele gape bošegong bjo. Se ga sa lebanywa go ya go motho ka motho yo a itšego goba bodumedi bja yo mongwe, le a bona, le gatee. Ga re dumele ka go seo. Re a dumela gore ka kgonthe re Maamerika a therešo, gore motho yo mongwe le yo mongwe a kgone go ba le monyetla wa go rapela Modimo go ya ka ditaelo tša letsvalo la gagwe mong. Gomme re e nyaka ka mehla go ba ka tsela yeo. Eupša, ka kerekeng ye nngwe le ye nngwe, re na le thuto.

<sup>11</sup> Makga a mantši, ka mekgatlong, dikerekemaina, ba na le thutotumelo. Gomme ba dula godimo ga thutotumelo yeo, “Ye ke thutotumelo ya rena.” Ga go kgathale se modiredi a se naganago, o swanetše go rera thutotumelo, gobane o ka go kerekeleina.

<sup>12</sup> Gomme ka mo, ga re na le thutotumelo eupša Kriste, yeo ke thutotumelo; gomme ga go molao eupša lerato; ga go puku eupša Beibele. Gomme Kriste ke Hlogo; gomme Beibele ke pukungwalwa ya rena; lefase ke selete sa ka. Kafao ke rata—ke rata go no rera ka tsela ye ke ikwelago go hlahlwa go rera, gomme feela ka tsela ye ke e bonago.

<sup>13</sup> Gomme ka gona ka go nako ye, ka go bolela gagolo ka ye ya makgwakgwa ka kgonthe, ye bothata, karolo ya go ripa ya Ebangedi, eupša, le a tseba, ye ke ntlo ya kahlolo. “Kahlolo e thoma ka” (kae?) “ntlong ya Modimo.” Nnete. Fa ke moo kahlolo e thomago. Gomme go ne... Ge o ile fa go kgorotsheko, gomme o be o swanetše go ba le tsheko, ba ne puku ya molao fale, ba swanetše go bala molao wo, go hwetša se o se ahlolelwago. Gomme ke ka tsela ye go lego ka ntlong ya Modimo, re swanetše go e tsea go tšwa go Lentšu la Modimo.

<sup>14</sup> Gomme bjale, makga a mantši, ka go dilo tše, gore le be le kgonthe go hwetša se bjale, gore, nka ba phošo. Tlhathollo ya ka e ka ba phošo. Eupša ke leka go Le bala feela kgauswi, le go no bolela boka Le bolela. E no dula thwi le Lengwalo, se Le se bolelago go se bolela.

<sup>15</sup> Gomme bjale go no befa kudu, goba... Mohlomongwe ga se thato ya Morena, gomme mohlomongwe ke yona, Ga ke tsebe, gore, ke tla rata go ba feela beke ka morago ga beke ka go Puku ye, go no dula thwi fa le go e šetsa e batamela thwi morago godimo ka go Daniele, le Daniele le Dikutollo, le go tlemagana ka go baprofeta.

<sup>16</sup> Gomme Lentšu ka moka la Modimo le tlemagane nthathana ye nngwe le ye nngwe thwi mmogo. Dipuku tše masometshela tshela, di ngwadilwe ke banna ba mmalwa, makgolo a mengwaga go arogana, gomme ga go e tee e ganetšago ye nngwe, ga go e tee. Ye nngwe le ye nngwe ya tšona e phethagetše. Ga se nke gwa ba le ntshetlana ya dingwalwa di ngwadilwego boka Yona, ka lefaseng lohle.

<sup>17</sup> Ba bile, lebaka la mengwaga ye dikete tše pedi, ba leka go fetola Thapelo ya Morena. Go bea lentšu le tee go Yona, goba go tloša le Tee go Yona, go E dira e kaonana. O no se kgone go e dira. Oo, E phethagetše. Ke Lentšu la Modimo.

<sup>18</sup> Gomme ke a dumela be—be Beibele ke Lentšu le le šušumeditšwego la Modimo. Lentšu le lengwe le le lengwe la Yona le šušumeditšwe. Ga ke dumele feela *ye* ga se ya šušumetšwa, gomme *ye* ke yona, gomme *yela* ke yona. Ke a dumela yohle E šušumeditšwe. E ba gore yohle e nepile goba yohle e fošagetše; gomme ge eba Yohle e hlakahlakane, gona ga

re tsebe re dire eng. Eupša Ke, nthathana ye nngwe le ye nngwe, Therešo. Ke rata go gafela bophelo bja ka go nakwana e ka ba efe bakeng sa se O RIALO MORENA go lego fa.

<sup>19</sup> Bjale, bjale ba no ba le mašego a se makae a. Gomme, gale, re ya go ba le tirelo ya Mokibelo bošego, go yeng thwi pele feela go swana, ga go ba le . . .

<sup>20</sup> Ba bangwe ba setšhaba sa kereke ba rile ba tla . . . yona go beng ditšila, go tla ka kerekeng Lamorena mosong, gore ba bangwe ba bona ba rile ba tla dula Mokibelo bošego, ka morago ga tirelo, le go thuša go hlwekiša kereke gore batho ba se swanele go tla ka gare Lamorena mosong, goba . . . goba ba be ba ka se swanele go šoma ka Lamorena, go—go hwetša go lokiša kereke. Ga re . . . Re nyaka . . . Ga se nna Masabatha, eupša go le bjalo ke rata go hlompha go—go rapela feela bokgauswi ka mo nka kgonago.

<sup>21</sup> Gomme bjale, gona, ke nagana ke tla tsebiša gosasa bošego, mohlomongwe, ge Morena a rata, se re tla bolelago ka sona bakeng sa Mokibelo bošego.

<sup>22</sup> Bjale, bošegong bjo ke: *Leswao La Sebata*. Gomme gosasa bošego: *Leswao La Modimo*. Ke tše pedi kudukudu tša . . . ke a thanka, tše bohlokwa kudukudu dithuto go bolelwa ka tšona mo letšatšing le, ka gobane ka therešo ke dumela gore re phela mo nakong ya kahlolo ye e nyakišišago ya Modimo. Ke a dumela re thwi mo letšatšing la yona. Gomme ga re nyake go ba ba magwaragwara. Ga re nyake go ba bohlanya. Re no nyaka go e batamela feela ka thelelo bjalo ka ge Beibele e tla e bolela fa; gomme Yeo e phethagetše, ka nnete.

<sup>23</sup> Gomme bjale go direng se, re kwa batho ba bantši kudu, lehono, ba bolela ka leswao la sebata. Le e kwele nako ye telele, “Ke eng? Ke mang a le dirago? Kae? Ke mang a yago go ba le lona? Gomme ge ba na le lona, le—le ya go dira eng go bona? Eng? Eng? A le ka kgona go go gobatša? A fao—a fao go na le kgobalo ye e itšego go lona?”

<sup>24</sup> Gabotse, bjale, seo ke se re—re nyakago go se hwetša go tšwa go Lentšu la Modimo, selo sa pele, “Ge go na le leswao la sebata go boletšwego ka lona ka Beibeleng?” Gomme selo sa go latela, “Le tla amana le lebaka lefe? Gomme batho ke bomang ba ba tla bago le lona? Gomme o tla dira eng? A o ka kgona go ba le lona gomme wa se e tsebe?” Le go ya pele, yeo, feela dipotšišo tšela boka tše. Kafao, go bokaonekaone bja tsebo ya ka, gore—gore ye e tla ba ye nngwe ya tše bohlokwa kudu dihlogo tše pedi tše nka kgonago go nagana ka tšona ka Beibeleng, *Leswao La Sebata*, le *Leswao La Modimo*.

<sup>25</sup> Bjale, sa pele, ke na le Lengwalo mo go laetša ge eba . . . goba go no ngwalwa ntle, gore ke no kgone go Le phetla, gomme yoo ke Mokgethwa . . . Sa mathomo, a re nong go bona se leswao la sebata le lego sona, gomme, “A go kotsi go ba le leswao le? A

ke yona?" Bjale ka go Dikutollo, tema ya 14 le temana ya 9, ke molaetša wa morongwa wa boraro. Bjale, serutegi sa Beibele e ka ba mang . . .

<sup>26</sup> Ke bona Ngwanešu Stanley fa, le ba babedi goba ba bararo bontši badiredi ba dutše ba le gona. Gomme mantšiboeng a go feta go bile le baena ba bangwe fa go tšwa go seminari ya Baptist ka Louisville, gomme mohlomongwe go na le ba bangwe bošegong bjo. Ga ke tsebe. Gomme go molaleng gore Methodist, Baptist, Katoliki, gomme e ka no ba Orthodox ya Mojuda. Ga ke tsebe. Eupša ga se . . .

<sup>27</sup> Se ga se go gobatša maikutlo a e ka ba mang; le gannyane. Gomme e no ba bakeng sa . . . Feela ka tsela ye Beibele e ngwadilwego, go E bala, le go go dira o E lebelele, wenamong. Gomme a re E batameleng feela ka go fola ka mo re tsebago bjang, ka go boifa Modimo, go tsebeng gore O tla re ahlolela mantšu a rena. Mantšu a rena e tla ba go re šegofatša goba go re ahlola ka Letšatši la Kahlolo.

<sup>28</sup> Gomme ge ke ikwela gore ke tseba se sengwe, le go se boloka morago, gona Modimo o ya go ntira ke e patele ka Letšatši la Kahlolo; le disoulo ka diaṭla tša bona, ba re, "Ngwanešu Branham, ge feela o ka be o re boditše, re ka be re se ka go seemo se lehono."

<sup>29</sup> Ke nyaka go ema boka Paulo wa kgale, "Ke lokologile go tšwa mading a batho bohle. Gobane ga se ke šie go le botša keletšo ka moka ya Modimo." Yeo ke nnete, feela bjalo ka ge ke E bona; gomme ge ke le phošo, gona Modimo ntshwarele. Dilo tše ga se tša ke tša tla . . . Ga se ka tsoge ka ya seminaring e ka ba efe, ga se ke tsoge ke ile sekolong e ka ba sefe, ga se ke tsoge ke tšere lentšu la e ka ba mang gape ka Lona. Ke ile thwi go otloga ka Beibeleng, ka thapelo. Gomme se se utolotšwe ka Bokgethwka ke Moya wo Mokgethwka, Morongwa wa go swana wa Modimo yoo a ntšhupetšago go bona dipono le go ya pele ka mokgwa woo, le phodišo ya balwetši. Gomme o ka kgona go ahlola ka seo ge eba E tla ba therešo goba aowa.

<sup>30</sup> Bjale, wo ke molaetša wa morongwa wa boraro, go lefase. Gomme le a tseba ke eng, molaetša wa morongwa wa boraro, o ya pele bjale ka letšatšing le. Ye ke go fofa ga molaetša morongwa wa boraro, ge o le mmadi wa Beibele.

<sup>31</sup> Go bile masetlapelo a mararo a o latetšego. A pele a diregile ka Ntweng ya Lefase Ya Pele. A bobedi a diregile ka Ntweng ya Bobedi ya Lefase. Le bona se re yago ka go sona bjale. Go lokile. Re bofelong bja tsela.

<sup>32</sup> Bjale a re hwetšeng se monaganong wa rena, feela pele re bala Lengwalo. Maemong, re tlemega go ba ka go lebaka la mafelolo. Botelele gakaakang? Ga ke tsebe; ga go yo motee a dirago.

<sup>33</sup> Eupša, lebelelang, a re tšeeng go bolela ka histori. Mengwaga ya mathomo ye dikete tše pedi, lenaneo la lefase le tlie go sehloa, gomme Modimo o fedišitše lefase ka meetse. Le tseba seo? Morago le tlie pele bjalo ka lefase le leswa. Gomme mengwaga ya bobedi ye dikete tše pedi, le tlie bofelong bja lona gape, gomme Modimo o rometše Jesu. A yeo ke nnete? Bjo ke bofelo bja mengwaga ye dikete tše pedi tše di latelago, 1954. “Gomme Ebangedi,” Jesu o rile, “mošomo o tla kgaotšwa,” (Bakeng sa eng?) “bakeng sa bakgethiwa, goba ga go nama e tla phološwago,” go tla ba bobe kudu. Kafao re mo nakong ya bofelo. Gomme ka gona la bošupa, ka sekai, ke Miliniamo, mengwaga ye sekete.

<sup>34</sup> Bjalo ka ge Modimo a šomile mengwaga ye dikete tše tshela, re a tseba gore mengwaga ye sekete... “Letšatši le letee Legodimong ke mengwaga ye sekete mo lefaseng,” Petro wa Bobedi. Le a bona? Bjale, gomme Modimo o agile lefase ka go mengwaga ye dikete tše tshela. Gomme Kereke e katane kgahlanong le sebe bjale lebaka la mengwaga ye dikete tše tshela. Gomme sekete sa bošupa, Modimo o ile go khutša, gomme o khutšitše sa bošupa; gomme bjale sekai sa Mileniamo, Kereke go phela mo lefaseng, thwi mo ka sebopego sa mmele, lebaka la mengwaga ye sekete, ntle le bolwetši, manyami, bothata, goba lehu. Le legolo lela, lebaka la gauta le etla ka gare bjale! Oo, bakeng sa leo! Oo, ke rata pina yela:

Lefase le a tsetsela, le llela letšatši la tokologo  
ye bose,  
Ge Jesu a tla tla morago lefaseng gape.

Ke rata seo.

Sebe le manyami, bohloko le lehu la lefase le  
leso le tla goma,  
Ka go pušo ya letago le Jesu ya mengwaga ye  
sekete ya khutšo.

Beibele e rile, “Ba bušitše le go rena le Kriste mengwaga ye sekete,” Mileniamo.

Bjale molaetša wo wa morongwa wa boraro, feela pele ga go Tla ga Morena, ge Lehuto le leswao di bewa godimo. Bjale, fao go ya go ba kgobokanyo ye kgolo, kgobokanyo.

<sup>35</sup> Ntle ka Bodikela, ge re eya ntle, ke be ke fela ke, ke bile ge e sa le ke le mošemane, go ya ntle bakeng sa kgobokanyo ya Seruthwana le bakeng sa kgobokanyo ya Marega, go ya ntle ka dithabeng le go kitimiša dikgomo. Gomme ka morago ga ge re hweditše dikgomo tšohle re ka kgonago go di hwetša, go tšwa lefelong le lengwe le le lengwe, gona re ripile tšohle dihlok-... tšona tšela di sego ba rena. Tša rena di rwele sekibo, gomme di a kibja. Gomme ge o kile...

<sup>36</sup> A go na le yo a kilego a ba bona ba kiba dikgomo? Ka nnete ke selo go ba bogela ba kiba. Ke be ke fela ke kwela kgomotshadi

bohloko. Gomme ke tlhagaraga ya go selekiša ge o thoma go kiba dikgomo. Go besa tshipi ya go kiba e be e le mošomo wa ka, go rwala tshipi. Le go e bea godimo ga powana e letše fale, gomme maoto a yona a bofilwe; gomme wa bea sekibo sela go yena, gomme moriri le nama di gadikega; wa lahlela sekontiri se sennyane godimo ga yona, le go mo lokolla. Gomme bolela ka go ya! Ka kgontho o a ya. Eupša, lebelelang, o swailwe.

<sup>37</sup> Gomme yeo ke tsela ye Modimo a re dirago. O swanetše go ya fase aletareng le go ba le go tlengwa sekolokotwane, gatee ka lebakana. Eupša, ngwanešu, ge Moya wo Mokgethwa o ka tsoge wa bea sekibo go wena, o ka no dira go kitima le go goelela go itšego, eupša o swailwe. Yeo ke nnete. O fao. Ge Molaodi a etla kgauswi, O a tseba o wa kae.

Eupša, oo, go lebotlana lelala go timela, moisa yola yoo a ahloletšwego go bušetšwa morago ka magareng ga—ga tša kgale.

<sup>38</sup> Bjale, nako ya go kiba. Gomme bjale go ya go ba feela banamedi ba babedi ka go ye, bao ba yago go ba Modimo le Sathane. Sathane o tla tsea ba gagwe, gomme Modimo o tla tsea ba Gagwe. Bošegong bjo re ya go bona ke mang a aperego sekibo sa Sathane, gomme gosasa bošego re ya go bona ke mang a aperego sekibo sa Modimo, go ya ka Lentšu la Modimo.

<sup>39</sup> Bjale molaetša wa morongwa šo, temana ya 9 ya tema ya 14. Ke bala Mangwalo a mmalwa fa, ke a ngwadilego. “Gomme morongwa . . .”

*Gomme morongwa wa boraro o ba latetše, a bolela ka segalontšu se segolo, Ge motho e ka ba mang a rapela sebata le seswantšho sa gagwe, le go amogela leswao la gagwe phatleng ya gagwe, goba . . . seatleng,*

*Wa go swana o tla nwa beine ya bogale bja Modimo, ye e tšholotšwego ntle le go hlakanywa ka go komiki ya kgalefo ya gagwe; gomme . . . o tla tlaišwa ke mollo le tshebela ka bogoneng bja barongwa ba bakgethwa, le ka bogoneng bja Kwana:*

<sup>40</sup> Nnete ga ba nyake selo go dira le seo! Lebelelang.

*Gomme muši wa tlaišego ya bona o rotogetše godimo neng le neng le neng: gomme ga ba ne khutšo mosegare goba bošego, ba ba rapelago sebata le seswantšho sa gagwe, le mang kapa mang a amogelago leswao la leina la gagwe.*

<sup>41</sup> Ga ke nyake selo go dira le seo, ke na le nnete. Ya. Theetšang temana ya go latela, ge ke sa e lebeletše.

*Mo ke kgotlelelo ya bakgethwa: bona šeba bao ba bolokago melao ya Modimo, le go ba le tumelo ka go Jesu Kriste.*

<sup>42</sup> Bjale tema ya 15, gomme temana ya 2. Gomme te... Theetšang bjale, ka go tema ya 15 gomme temana ya 2. Bjale,

re be re bala nako yeo go tloga go ya 14, gomme temana ya 9. Bjale ya 15, gomme temana ya 2.

*Gomme wa pele o ile, gomme o tšollela moruswi wa gagwe godimo ga lefase; gomme go wele lešata... tša go tšoša dišo godimo... batho ba ba bilego le leswao la sebata, le godimo ga bona ba ba rapelago seswantšho sa gagwe.*

Tema ya 16 gomme temana ya 2.

*Le ba dikgoši tša lefase di dirilego bootswa le yena, gomme baagi ba lefase ba dirilwe go tagwa ka beine ya bogale bja bofefe.*

<sup>43</sup> Motsotso feela. Ke kgopela tshwarelo ya lena. Ke phetlile, ke swanetše go be ke phetlile a mabedi a ona gatee. Go lókile. Bjale tema ya 20 gomme temana ya 4. Go lokile, ke rena ba.

*Gomme ke bone diterone, le bona bao ba dutšego fale godimo ga tšona, gomme kahlolo ya fiwa go bona: gomme ke bone disoulo tša bona ba ba bego ba kgaotšwe hlogo bakeng sa bohlatse bja Jesu Kriste, le bakeng sa lentšu la Modimo, le ba ba sego ba rapela sebata, ebole le seswantšho sa gagwe, ebole ba se ba amogela le leswao godimo ga diphatla tša bona, goba ka seatleng sa bona; gomme ba phetše le go rena le Kriste mengwaga ye sekete.*

<sup>44</sup> A ka se kgone go amogela leswao la sebata gomme morago a rapela Kriste goba a ba le Yena. “Eupša mang kapa mang a tla rapelago sebata goba seswantšho sa sebata, o tla tlaišwa ka bogoneng bja Modimo le ka bogoneng bja barongwa ba bakgethwa.” Seo ke se Morena a se bolelagko yona.

<sup>45</sup> Bjale re ya go thoma. Phetlang ka Beibeleng ya lena bjale go tema ya 13 ya Kutollo, gomme re tla thoma feela mo dinakwaneng di se kae. Bjale se se bohlokwa kudu. Gomme theetšang sekgauswi bjale.

<sup>46</sup> Sa pele, re nyaka go topa thuto ya rena go tloga bošegong bja go feta. Bošegong bja go feta re tšere go mabaka a kerek, ao, ka fao re bonego Jesu a eme ka Kerekeng ya Gagwe, “A bolela bjalo ka segalontšu sa meetse a mantši; gomme O be a ne moriri boka wulu; mahlo boka dikgabo tša mollo.”

<sup>47</sup> Elelwang, ku—ku Kutollo ke pono, gomme ka seswantšho. Yohle ya yona e ne tlhalošo, kafao le swanetše go šetša sekgauswi. Balang baprofeta, le bone se dika di bego di se ra, gona e bapetšeng godimo fa gore le tsebe se dika ka kgonthe di se rago.

<sup>48</sup> “O bile le mahlo boka dikgabo tša mollo,” a kitimela pele le morago go kgabola lefase. Gomme re hweditše gore dikgabo tšela, boka... “Ditšoša, tšoša e tšwile molomong wa Gagwe, gomme tšoša ya magalemabedi,” gomme re hweditše gore leo e be e le Lentšu la Modimo le ile pele go tšwa molomong wa Kerek.

<sup>49</sup> “Gomme ebile E tla ripa go fihla mokong wa lerapo, le mohlathi wa dikgopolole maikemišetšo a pelo,” Bahebereg temya ya 4.

<sup>50</sup> Re hweditše Kereke e eme fale ka bobotseng bja Yona; Kriste o no kgolokelwa ka go Yona! Gomme Kereke e be e apere “kobo” ye tšhweu. Gomme le ela hloko, E be e le mosadi, “go dikologa sefega,” E bile le seaparo se khupeditše dihlong tša Gagwe; gomme o be a na le “lenti la gauta” le gogetšwe go se dikologa, leo le bego le le swere go dikologa sefega. “Bošweu,” bo bolela ka toko ya Kriste; gomme “thapo ya gauta” e emetše Ebangedi. Thero ya Ebangedi go tliša Moya wo Mokgethwa godimo ga Kereke, toko ya Kriste; e e swara fale, e bofetšwe ka lenti, lenti la go bofa.

<sup>51</sup> Ka gona O be a eme godimo, “maoto boka mphiri, wo o bego o tšhumilwe ka leubeng.” Mphiri o bolela ka kahlolo Kgethwa. Gomme Modimo, go thabiša keno ya Gagwe ye kgolo yeo A e tšerego, O rometše Kriste, gomme Kriste o lefile kahlolo Kgethwa. Gomme gona Kereke e theilwe godimo ga kahlolo Kgethwa, Kriste a eme lefelong la Yona. A seswantšho se sebotse, “A ema ka go Dihlomapone tše Šupa tša Gauta!”

<sup>52</sup> Gomme gona re hwetša gore, lebaka la mathomo la kereke, se ba bilego le sona. Ke ba bakae ba bego ba le fa bosegong bja go feta, ke bona seatla sa gago? Go lokile, seo se kaone. Lebaka la mathomo la kereke, re hweditše, ka go Lebaka la Kereke ya Efeso, ba bile le kolobetšo ya Moya wo Mokgethwa. Gomme ba kolobeditše batho ka meetse, gomme ba bile le... Mehuta yohle ya maswao le matete e be e le go felegetša modumedi.

<sup>53</sup> Gomme go ka fao, godimo ka go lebaka le lengwe le le lengwe la kereke, Le thoma go fifala. Tikologo ya bobedi, tikologo ya boraro, morago go kgabola lebaka la leswiswi. Gomme ba tlie ntle ka leina la maaka, ka kolobetšo ya maaka, bobedi bakeng sa meetse le Moya wo Mokgethwa.

<sup>54</sup> Gomme ka gona ba tlie pele go theoga, lebaka la go latela, gomme ba bonegile gannyane. Gomme morago go bile mojako wo o beilwego, bakeng sa go bulega, gare ga Filadelifia le Lebaka la Kereke ya Laodikia.

<sup>55</sup> Gomme morago Laodikia e bile bolelo gomme e ile thwi ntle go tloga go Lona yohle, go fihla Modimo a e tshwele go tšwa molomong wa Gagwe. Yeo ke nnete. Leo ke Lengwalo.

<sup>56</sup> Gomme rahistori yo mongwe le yo mongwe le modumedi yo mongwe le yo mongwe wa orthodox o a tseba gore Mabaka ale a Šupago a Kereke, goba “Dihlomapone tše ūpago tša Gauta,” bjalo ka ge Beibele e boletše, e be e le Mabaka a Supago a Kereke. Boka Testamente ya Kgale e kaya ka gare ye Mpsha fa, gomme feela ge e ile ntle.

<sup>57</sup> Eupša go swanetše go ba go šišinywa go gogolo le tsošeletšo feela pele ga go tswalela ga lebaka la Bantle, pele Bajuda ba Le topa gape.

<sup>57</sup> Elelwang, Bantle ba no lekanyetšwa, lebaka la nako bakeng sa mogau. Beibele e rile, “Ba tla gatakela maboto a Jerusalema,” Jesu o rile, “go fihla lebaka la Bantle le tla be le fedile.” Yeo ke nnete. Le na le nako ya maleba ya go fela.

<sup>58</sup> Gomme re hwetša dilo tše ba di dirilego morago kua. Re lemoga maswao le matete ao a ba felegetša, ka fao Kriste a ba boditšego go be go makatša bjang, le ka fao ba bego ba le. Nako yeo Seetša sa thoma go fifalafifadi le go fifalafifadi, sa tima. Gomme ka gona feela go tswaleleng, e be e swanetše go ba mojako wo mongwe wa go bulega o beilwego bakeng sa Kereke. Bjale a re emeng thwi fa pele re tsena ka go yona. Hlokamelang, a re tseeneng seprofeto se sengwe se tlagō monaganong wa ka. Moprefeta o rile, “Go tla ba le letšatši mo go ka se bego bošego goba mosegare.”

<sup>59</sup> A ke kwagala kudu? [Phuthego e re, “Aowa.”—Mor.] Ge o ka kgona, o ka kgona go breakanya sela nnyane... ke a e tseba se betha morago, gomme ke ka baka leo ke bolelago godimo gannyane, kafao batho ka morago ba tla ba le kgonthé go e kwa. Gobane, Ye ke ye bohlokwa kudu.

<sup>60</sup> “Gomme go tla ba le nako, letšatši,” moprefeta o rile, “le e ka se bego bošego goba mosegare.” Ka mantšu a mangwe, go tla ba seetša, eupša go tla ba maru, le a bona, letšatši la maru. “Eupša nakong ya mantšiboa go tla ba Seetša.” A seswantšho se sebotse!

<sup>61</sup> Bjale, ge mahube a hlaba mo letšatšing le la maru, seo se ra gore go tla ba le dintwa, le mathata, le godimo le fase, le mabaka, le dikereke, le diism, le se sengwe le se sengwe. E ka se be seetša goba leswiswi. E tla ba nako yeo re tsebago gore go na le Modimo, gomme go na le Ebangedi, eupša gabonolo ba no se kgone go bona ka Yona. Le tseba se ke se rago? Ba tla re, “Beibele e boletše gore ba dirile seo morago kua ka Pentecost, ba dirile seo ka Kerekeng ya pele, ba bile le maswao a le matete, eupša kereke ya rena—ya rena ga e rute Leo.” Le a bona, go maru, ga go leswiswi le ge e le letšatši. “Eupša, go le bjalo, re dumela go Jesu Kriste. Re dumela go go Tleng ga Gagwe la bobedi, gomme re a tseba O etla.”

<sup>62</sup> Beibele e rile, “Go ka se be seetša goba leswiswi.” O ka se kgone go e bitša mosegare, gomme o ka se kgone go e bitša bošego. Eupša, hlokamelang, “Ka nako ya mantšiboa go tla ba le Seetša,” ka nako ya mantšiboa!

<sup>63</sup> Ge batho ba bohlabela... Puku ye ke Puku ya bohlabela; Beibele ke yona. Ge Seetša la mathomo se hlaba ka Kerekeng ya pele, ka Efeso, gabotse, re a elelwang le go bona se se diregilego kua; Seetša sa Modimo se tlišitšwe ka Jesu Kriste, ka tšhologelo ya pele ya Moya wo Mokgethwa. E file Seetša go lefase lohle, gomme e ngwadile Beibele. A yeo ke nnete?

<sup>64</sup> Bjale O tshepišitše, lefaseng la bodikela, letšatši le hlaba ka bohlabela, mo mathomong a lebaka la mogau, gomme bjale

letšatši le dikela ka bodikela, go batho ba bodikela. Re batho ba bodikela. Gomme O tshepišitše gore go tla ba tsošeletšo gomme go tla ba le Seetša ka nako ya mantšiboa. Re mo. Seetša se a phadima, “gomme leswiswi ga le Se kwešiše.” Yeo ke yona. “Batho ba rata mediro ye mebe bokaonana go phala ba dira mediro ye mebotse.”

<sup>65</sup> Eupša le no lokela go wela godimo ga bogomapono mošola. Gomme Seetša se sennyane se re nago naso, swarelela go Sona. Lebelelang, Ke letšatši la go swana leo le hlabilego mošola go Bajuda, le dikela fa go Bantle. Gohle go kgabola lebaka fa, go kgabola mengwaga ye ye dikete tše pedi, ba bile le *se*, le *sela*, le mekgatlo le mabaka, le *se* le *sela*. Gomme batho ga ba tsebe mo ba emego.

<sup>66</sup> Eupša Beibele e a tshepiša, Modimo o dirile, ka moprofeta, gore, “Mo nakong ya mantšiboa go tla ba Seetša.” Go tla ba Seetša nakong ya mantšiboa. Ke a dumela re mo. Letšatši le a dikela. Tlhago yohle e a tsetsela, e llela letšatši leo. Hlokamelang.

<sup>67</sup> Bjale re hwetša, gore, se ba bilego le sona kua go lona lebaka la mathomo la kereke, ba bile le thuto ya go se tlwaelege. Selo sa pele, e no ba “mediro.” O rile, “Wena o hloile mediro ya Banikolaite.”

<sup>68</sup> Ke a makala Banikolaite ba be ba le eng? Ke kitimišitše seo go kgabola, le go kgabola histori, gape le gape le gape, go kgabola ditshwayo tše kaonekaone nka go di hwetša, gomme ga go yo a kgonago go tseba, ntle le ge e be e le thuto ye e thomilego ke motho, Nik, Nikolase, yo a bego a swanetše go ba yo mongwe wa baapostola wa mohuta woo o timetšego. O hlomile thutotumelo, goba se sengwe gape, gomme go tloga fao go thomile Banikolaite. E be e le mediro, pele. Gomme ye e bego e le “mediro” ka Efeso, ka go lebaka la kereke la go latela e bile “thuto.” Gomme morago go ile ka go mabaka a leswiswi a tlhomaro.

<sup>69</sup> Bjale thuto yela ya go swana ya Banikolaite yeo e thomilego fa ka go kereke ya mathomo, ka morago ga ditikologo tše tharo goba tše nne tša baapostola, e bile modiro. Ba thoma go nagana, “Gabotse, ye e tla ba Yona.” Bjale lena bohle le tseba ka fao e tšwago, le lena babadi ba Beibele.

<sup>70</sup> Bjale, e thomile godimo ka go e ka ba A.D. 600 gomme... goba 306, se ba se bitšago tshokologo ya Constantine. Yena ga se a ke a sokologa. Mothaka yo a bego a tla dira dilo tša ditšila tše monna yola a di dirilego, o be a se a sokologa. Yeo ke therešo. Selo se nnoši a kilego a se dira, seo se bilego le bodumedi e ka ba bofe—e ka ba bofe go yona le gannyane, o beile sefapano go kereke ya Mokgethwa Sofia. A seo e be e se se sengwe, go ya Legodimong bakeng sa sona? Go lokile. O boditše Bakriste, ge a ka thopa ntwa yela, o tla ba Mokriste. Gomme ba rapetše. Gomme o ile ntle gomme o thopile ntwa, goba o thopile ntwa, gomme o boile

morago gomme o rile, “Gabotse, ke tla tšoena kereke.” Sekai se sebotse kudu sa moleloko wa kereke yo bolelo lehono. Yeo ke nnete. O bea sefapano godimo ga kereke.

<sup>71</sup> Ka morago ga lehu la gagwe... O bile le barwa ba babedi, barwa ba bararo; Constantine, Constantius, Constans-tinople, ye e thomilego go dira bohlabela le bodikela bja Roma, gomme ba arogane. Gomme ka kua, ka gona, gwa ba Mmušo wa Ottoman, mmogo ka nako yeo.

<sup>72</sup> Gomme ka gona, bona, e ka ba tikologo ya bobedi, goba ya boraro, tikologo ya bone ya baapostola; gomme ka gona, selo sa pele le a tseba, ba thoma go baka magareng ga bona seng. Gomme ba phatlogile godimo, ism ye nnyane.

<sup>73</sup> Yo mongwe le yo mongwe, o tšeа kereke... Fao, ge kereke yela ya Methodist ya Wesleyan e be e le maatleng, o be a le maatla ge John Wesley a be a le mo. Malutheran ba be ba le, ka letšatšing la yona; le yo mongwe le yo mongwe. Eupša a nke mothomi a hwe, gatee, gomme morago ba a fapoga.

<sup>74</sup> Ge Morena la mathomo a tšwelela morago kua; ge ba be ba nnyaka gore ke thome, go dira mokgatlo go Ye, go ya pele ka mokgwa wo. Ke ile godimo mo, gomme ke bone moo Dwight Moody, mothomi yo mogolo, Moody Beibele Institute. Gomme ke naganne, “Ge Dwight Moody a ka kgona go lebelela godimo ga Beibele Institute; se monna yola a se emetšego, le se ba se dirago bjale!”

<sup>75</sup> Gabotse, ke rile, “Lebelela fa, lebelela, go ka reng ge—go ka reng ge Wesley, Calvin, Knox, Finney, Sankey, goba Finney, yo mongwe wa bona, a be a ka kgona go tsoga lehono, le go bona kereke ya bona mo e lego!” Oo, nna! Le a bona, tikologo ya mathomo, ge monna a eme fale, o swere Therešo.

<sup>76</sup> Lebelelang Ngk. Dowie ka Zion City, gobaneng, lehono, ba sega mo sefahlegong sa phodišo Kgethwa, ge to—to toropokgolo e be e theilwe godimo ga yona. Eupša ge Dowie a hwile, gona godimo go tla eng... Blake, John Lake le bohle ba bona. Ka gona, selo sa pele le a tseba, o tateditše go dikologa bjale go fihla Assemblies of God e tsena ka go yona, le sehlopha se segolo sa ba fomale le se sengwe le se sengwe. Gomme ke—ke kereke e ile le go kgeloga, le ka go seemo sa go šiiša.

<sup>77</sup> Kafao ke hweditše se, Beibele e rile, “Dafida o hlanketše Morena gabotse mo molokong wa gagwe.”

<sup>78</sup> Kafao ke rile, “Morena, ga ke nyake mokgatlo. A nke ke Go direle ka pelo ya ka yohle, ge ke sa le mo ke phela.” Yeo ke nnete. “Wa go latela, O tla ba le monna yo mongwe ge ke sepetše. O tla ba le yo mongwe a tšeа lefelo la gagwe.” Yeo ke phetho.

<sup>79</sup> O se ke wa leka go aga godimo ga tše dingwe. O ka se kgone go gotša mollo godimo ga mobu wo o swanago. Israele e ile ya swanela go ya pele ka leeto. Ge ba eme, ba kgelogile. Ba

ile ba swanela go tšwelapele ba sepela bošego bjo bongwe le bjo bongwe; ba goditše mollo wo moswa bošego bjo bongwe le bjo bongwe; ba no tšwelapele ba eya pele. Gomme seo ke se re swanetše go se dira. Se Luther a bilego le sona se be se lokile; seo e be e le sa letšatši la Luther. Seo Wesley a bilego le sona se be se lokile; leo e be e le letšatši la Wesley. Seo bokgethwa bo bilego le sona, seo se be se lokile; leo e be e le letšatši la bona. Re phela ka go letšatši le lengwe. Bjale re—re ya pele. Gomme go tla ba letšatši ka morago ga rena, le tla tla feela go swana. Eupša a re sepeleng ka Seetšeng ge Seetša se sa le mo.

<sup>80</sup> Bjale, gomme ke lemoga se, gore, thuto ye e tšwa ka fale, selo sa pele le a tseba, go fihla e kgetloganelka go sehlopha sa diism, morago Baroma ba sokologile. Bjale, mmušo wa Roma, ge e sa le matšatši a—a Roma la mathomo a tšea taolo gomme o thopile lefase la Bantle go tloga go Gerike, ka morago ga go wa ga Alexander yo Mogolo, e be e le setšhaba se se laolago sa lefase; batho ba Roma, lebaka la Bantle. Daniele o boletše bjalo, ka ponong. Re tla tla go yona, mo—mo metsotsong e se mekae. Eupša ka mehla e bile le maatla a go laola godimo ga lefase; Baroma.

<sup>81</sup> Gomme ka gona re hwetša kua, gona, gore ba kgatlofaditše kereke. Sehlopha sa batho se tlide mmogo, e ka ba 606, gomme ba ipitša bonabeng, “botate ba pelepele,” botate ba kereke. Dihlopha tša banna di tlide mmogo le go swara khansele ya se ba swanetše go se dira, gomme ba hlomile mokgatlo.

<sup>82</sup> Gomme a nke ke bolele mo, bagwera barategi ba ka ba Bakriste, bobedi Protestant le Katoliki. Gomme bjale, ke a nagana ke na le bagwera ba Katoliki ba dutše mo; ga ke bolele se go gobatša maikutlo a lena. Gobane, e no swarelelang feela metsotso e se mekae, gomme re tla hwetša Tabarenenekele ya Branham ka go yona gape, le a bona, motsotso feela. Re swanetše feela go rera Ebangedi bjalo ka ge E beilwe mo. Ga go kgathale moo... Johane o rile, “Selepe se beilwe modung wa mohlare,” a nke dintshetlana di fofele kae kapa kae di ratago. Yeo ke nnete. O swanetše go ripa mehlare le dilo.

<sup>83</sup> Eupša, lebelelang, ka kua ba kgatlofaditše kereke ya pele. Gomme ba tlide mmogo le go kgatlofatša kereke ya mathomo, ye e bego e bitšwa kereke ya lefasepharephare, goba kereke ya Katoliki ka Roma. Gomme Katoliki e bolela gore ke yena “mme kereke.” Gomme yeo ke therešo tlwa. Ke mme kereke ya mokgatlo. Ka go nepagala. Ke lekga la mathomo, ka go histori yohle ya lefase, yeo go kilego gwa ba kereke e kgatlofaditšwe; ga se gwa ke gwa ba, go tloga go thomeng ga nako.

<sup>84</sup> Go kgabola matšatši a Israele, ba be ba se—ba be ba se mokgatlo. Ba be ba le morafe, e sego mokgatlo. Gomme ba... Jesu Kriste ga se nke a kgatlofatša kereke. Ga go le o tee wa baapostola a kilego a kgatlofatša kereke. Gomme ga go nako go

theoga go kgabola, ka morago ga meloko ye meraro goba ye mene ka morago ga bona, ba kilego ba kgatlofatša kereke. Ke nyaka le tliše histori gomme le bee monwana wa lena go... Mpontšeng moo e lego. Gomme ke badile Josephus le borahistori bohle ba go itlhaola kudu re nago le bona ka lefaseng lehono, bao ke tsebago ka bona, gobane ke swanetše go ba le kgonthe. Ke dira setatamente se pele ga dikete tša batho; o swanetše go kgona go boela morago le go netefatša se o bolelago ka sona. Yeo ke nnete. Ga se nke gwa ba le mokgatlo. Gomme e sego...

<sup>85</sup> Gomme Mokgethwa Petro ga se a ke a thoma kereke ya Katoliki. Ke nyaka histori e tee, goba nthathana e tee ya Lengwalo. Mokgethwa Petro o be a le monna yo a nyetšego. Le rile o be a le mopapa. O be a ka se kgone go ba mopapa. Petro o be a le monna yo a nyetšego. Beibele e rile, “Mmagو mosadimogatša wa gagwe o robetše a babja ka—ka letadi, gomme Jesu a mo fodiša.” Gomme bokgole bjo ke tsebago, Mokgethwa Petro ga se a ke a tsoge a ba ka Roma. Gomme ga go histori ye e kilego ya laetša gore o be a le ka Roma. Gomme yeo ke phošo.

<sup>86</sup> Eupsa ba kgatlofaditše le go bea mmogo kereke e bitšwago kereke ya lefasepharephare. Fao ba dirile thapelo ya lefasepharephare. Ba be ba na le kwano ya go phethagala; yo mongwe le yo mongwe o be a swanetše go ba mmogo, yo mongwe le yo mongwe a bolele selo sa go swana. Thapelo ya go swana e boletšwe.

<sup>87</sup> Gomme ba dirile sehlopha sa Lengwalo, ba a tšea go tšwa Beibeleng, bontši bja ona, le go dira a mangwe. Ga go na phekatori e boletšwego nako ye nngwe ka go Dipuku tšohle tše kgethwa tša Beibebe; ga go “dumela Maria,” ga go selo boka seo. Ka mehla e a fapania, kgahlanong le yona, mogohle ka Lengwalong. Ga se ya ke ya ba yona, ka nako ye e itšego. Gomme ge o hwetša lefelo e ka ba lefe, o na le monyetla wa go tla gosasa bošego le go mphošolla. Ga e gona, e ka ba kae; tlišang moprista goba modiša wa lena. Ga go lefelo, ka Lengwalong, moo e kilego ya bolelwa.

<sup>88</sup> Puku e nnoši ye nnyane, ya Maccabees, yeo e okeditšwego ka go Ye, yeo e sego ya šušumetšwa; dilo tše di beilwego ka go Ye, goba go tšewa go tšwa go Ye. Beibebe ye ke Yona e nnoši. E... E lemogilwe ke bathomi ba pelepele, goba e ka ba ofe wa borahistori ba pele ba kereke, goba nako ye nngwe le ye nngwe ya Orthodox ya Bajuda, le go se tsoge ra lemoga selo eupša Beibebe ye re nago le yona lehono.

<sup>89</sup> Bjale, ka gona, ka go seo, theetšang sekgauswi bjale. Bjale le nagana Makatoliki ba a šašara? Nakwana feela, le a bona.

<sup>90</sup> Bjale, ka gona ba kgatlofaditše kereke ya Katoliki, gomme ba thomile tlhomaro, gore ba tla... Le ile la swanela go dira yo mongwe le yo mongwe, mogohle, kereke le mmušo, ba kopane mmogo, le go tliša ka gare go tšwa go Roma ya bohetene go

ya go Roma ya mopapa. Ka mantšu a mangwe, go tšwa go tumelokhwele ya bohetene, ba amogetše Bokriste ka go sebopego sa bona beng. Le a bona? Ga se ba kgone go kwešiša gobaneng monna yola a ka ema le go rapela go lefeela. Ba be ba le bohetene, kafao ba nno fološa Venus gomme ba beile Maria; ba theošitše Jupitere, ba beile Petro; mohuta wo mongwe wa sehlwaseeme go rapelwa. Bjale, gomme ba be ba rapela pele ga seo. Gomme ba dirile thapelo ya lefasepharephare, ba e boletše ka Selatini gore e se tsoge ya palelwa, le go ya pele, ka mehla ba tla bolela go swana.

<sup>91</sup> Gomme o ka se kgone go ahlaahla goba go ngangišana le moprista wa Katoliki, goba ga go Mokatoliki, godimo ga motheo wa Beibebe.

<sup>92</sup> O tee o dutše, moprista yo moswa yo tlase mo, o dutše ka ntlong ya ka feela kgauswana. O rile, “Lena Maprotestant, le bala Beibebe gomme la dula gae. Rena Makatoliki re ya kerekeng le go rapela.”

Ke rile, “Eupša eng? Yeo ke yona. Bjale nkarabe yeo.”

O rile, “Modimo o ka kerekeng ya Gagwe.”

<sup>93</sup> Ke rile, “O... Ga go le lerothiana la Lengwalo le bolelago bjalo.” Ke rile, “Modimo o ka go Lentšu la Gagwe. O rile, ‘A nke lentšu la motho yo mongwe le yo mongwe e be maaka, gomme la Ka e be therešo.’”

<sup>94</sup> O rile, “A ga o nagane sehlopha ka moka sa banna, se eletšana mmogo, go tla ba maatlataolo go feta feela monna o tee?”

<sup>95</sup> Ke rile, “Aowa. Ge monna yo motee a le ka go thato ya Modimo, o na le Therešo.” Ka mehla e e netefaditše.

<sup>96</sup> Go swana le Josefate le Mika, dithuto tše re sa tšwago go ba le tšona letšatši le lengwe, Lamorena la go feta, ge Mika a ile godimo kua. Gomme bareri ba makgolonne ba eme, ba re, “Eya godimo! Morena o na le wena. Eya godimo! Morena o na le wena.”

Josefate o rile, “A ga go sa na le yo motee gape mo?”

O rile, “Mika šole, eupša ke mo hloile.”

O rile, “A re kweng se a se bolelago.”

O rile, “Eya godimo, eupša ke bone Israele e šwalalane bjalo ka dinku.”

O rile, “A nna ga se ka go botša?” Le a bona?

<sup>97</sup> Kafao, ke mang a bego a nepile, fale? Ge baprofeta ba makgolonne ba ba hlahlilwego ba eme pele ga motho, gomme efela o tee yo monnyane wa kgale wa go onala mopszikologimokgethwa a eme morago fale o bile le therešo. Yeo ke nnete. Yeo ke therešo. O dirile. O be a na le therešo. O ile a gitlwa molomong le go itiwa, godimo ga yona, eupša o be a na le therešo.

<sup>98</sup> Kafao ga go kgathale ke ba bakae ba bolelago *se*, goba ke ba bakae ba bolelago *sela*, ke se e lego O RIALO MORENA. Yeo ke therešo. O tla swanelo go ema o nnoši, makga a mantši, ge o ema godimo ga Lentšu la Modimo, eupša eba le nneta go emela se Morena a se boletšego.

<sup>99</sup> Bjale, ba kgatlofaditše kereke ye, mmele wo mogolo, kereke ya Katoliki, e lego go ata ga mabodumedi ohle, lehono, ka go sekgao sa Bokriste, ke Bokatoliki. Eupša ba re, “Ga o hloke... Ga re...”

<sup>100</sup> O re, “Ke kae o hwetšago ‘go se je nama’? Ke kae o hwetšago ‘moprista ga a nyale’? Ke kae o hwetšago se?”

<sup>101</sup> O rile, “Ga re rute Beibele.” O rile, “Kereke ke segalontšu. Ga go kgathale se Beibele e se bolelago; ke se kereke e se bolelago.”

<sup>102</sup> Eupša Modimo o rile, “A nke lentšu la motho yo mongwe le yo mongwe e be maaka, gomme la Ka e be therešo.” Bjale o swanetše go tšea kgetho ya gago.

<sup>103</sup> Bjale, Bonikolaite bjola bo be bo fetogile thuto, gomme morago bja ba tlhomaro. Bjale, še e tla ntle fa mo matšatsing a mafelelo. Morago go tla sediba, go kgabola mabaka a leswiswi le tlhomaro; morago go tlie go tšeelwa godimo, go mpshafatšo ya mathomo, e bego e le Martin Luther. Martin Luther o gwabile kgahlanong le kereke ya Katoliki, ka lebaka la seo o sepeletše ntle fale gomme o tšere selalelo sela... .

Gomme ba rile, “Wo ke mmele wa Kriste.”

<sup>104</sup> O rile, “Ga se mmele wa Kriste. Ke senkgwana. Seo ke sohle se lego.”

<sup>105</sup> Ba dumela gore ke senkgwa se sekgethwa, seo, “*Senkgwa se sekgethwa* se ra ‘Moya wo Mokgethwa.’ Gomme ge o tšea seo, o tšeela Moya wo Mokgethwa ka mmeleng wa gago.” Gomme seo ke phošo.

Moya wo Mokgethwa ke kolobetšo ya Moya.

<sup>106</sup> E sego, “Ge Letšatši la Pentecost le tlie ka botlalo, moprista o tlie godimo le go ba fa senkgwa se sekgethwa, senkgwana godimo ga leleme la bona.” Goba aowa, “Moreri yo mongwe o sepeletše godimo gomme a fafatša meetse tsoko go bona, gomme a šišinya seatla sa bona,” goba. Aowa, mohlomphegi.

<sup>107</sup> “Eupša go tlie modumo go tšwa legodimong boka phefo ye maatla e tšutlago, wo a tletšego ntlo yohle moo ba bego ba dutše.” Leo ke Lengwalo. Seo ke se se lokilego. Seo ke se se diregilego ka Kerekeng yela, gomme seo ke se se diregilego ge Seetša se phadima ka go letšatši le. Fao ke mo Seetša se phatlogilego go kgabola fao; gomme mo ke mo Seetša se phatlogago go kgabola mo.

<sup>108</sup> Bjale ge Mangwalo e ka ba afe, ke a tsopola, a botšišwa, nno e bea godimo... Ke tla le fa lefelo mo le lego, le a bona,

ka Lengwalong. Go lokile. Nnete, ka go feels nako ye nnyane boka ye... Ka mehla, ge re putula go Le kgabola, re tsea dibeke le dikgwedi. Feela Lengwalo le lengwe le le lengwe, go le kitimišetše fase, go ba le batho ka Beibele ya bona. Eupša, ge Le botšiſitšwe, nno ntira ke tsebe. Go lokile.

<sup>109</sup> Ka gona, Martin Luther. Ka gona, ka morago ga Martin Luther, gwa tla John Wesley.

<sup>110</sup> Martin Luther o tlie ntle le katikasema, dilo tšohle tše dintši. O tlie ntle le kolobetšo, o tlie ntle a efa ya boboraro, kolobetšo ya thritarian ye e sa nkago ya rutwa ka Beibeleng, ga se nke ya rutwa ka Beibeleng. Fao ga se gwa ke gwa tsoge gwa ba yo mongwe a kilego a kolobetšwa ka kolobetšo ya badimo ba bararo, ka Beibeleng. Ge go le bjalo, etla o mpontšhe mo e lego. Ga e gona.

<sup>111</sup> Tsela e nnoši yeo ba rometšwego go kolobetšwa, e bile, “Eyang le rute ditšhaba tšohle,” O rile morago kua, “gomme le ba kolobeletše ka Leina,” e sego leineng, “ka Leineng; Tate, Morwa, Moya wo Mokgethwa.” Gomme barutiwa ba retologile thwi go dikologa le go kolobetša yo mongwe le yo mongwe Leineng la “Jesu Kriste,” gomme, o laetše gore ge e ka ba mang a kolobeditšwe ka tsela e ka ba efe ye nngwe, ba ile ba swanela go tla le go kolobetšwagape gape pele ba ka hwetša Moya wo Mokgethwa. Gomme mo go tla kereke ya Katoliki ntle...

<sup>112</sup> Beang lefelo le tee ka Beibeleng moo motho e ka ba ofe a kilego a kolobetšwa ka leina la “Tate, Morwa, Moya wo Mokgethwa.” Seo gabotse ga se selo, a ga se sona? Mokibelo bošego ke bošego bja potšišo, ke tla e hwetša, re tla hwetša go otlolleta yeo ntle. Ka moka gabotse. Go lokile. Ke nyaka e ka ba mang yoo a ka mpontšhago lefelo le letee moo motho e ka ba ofe a kilego a kolobetšwa ka leina la “Tate, Morwa, Moya wo Mokgethwa,” ke tla sepela go tloga phuluphitthing gomme ka re ke moikaketši. Gomme yo mongwe le yo mongwe o kolobeditšwe ka tsela ye nngwe, o ile a swanela go tla le go kolobetšwagape gape Leineng la “Jesu Kriste,” go amogela Moya wo Mokgethwa. Seo ke tlwa. Seo ke se Beibele e se boletšego.

<sup>113</sup> Bjale, le a bona, re tsea teori sebakeng sa Therešo. Bjale lebelelang Lengwalo. Le se ke la bolela, gore, “Gabotse, Ngwaneshu Branham o boletše.” O lebelela Lengwalo bjale. Hwetša pukutlhaloso ya gago gomme o e lebeledišiše. Gomme morago ka pela ge...

<sup>114</sup> Le ela hloko, le lengwe le le lengwe la ona mabaka a kereke le bile le Leina la Gagwe, go fihla le etla go kgabola lebaka le la kereke la leswiswi.

<sup>115</sup> Gomme, lebelelang, seo se kaya morago mošola ka go—ka go kereke ya Orthodox. Ge lebaka la leswiswiswi le be le kgatlampa, la Bajuda, le be le ge Ahaba, ka mokhoreng ka morago—ka morago ga kgoši ye kgolo pele ga gagwe; gomme

pele ga fao, ba bile le Israele yohle ka go seemo se sebotse. Gomme Ahaba o tlie bjalo ka modumedi wa mothalo wa mollwane, seemo sa bolelo, gomme o ile godimo gomme o nyetše mohumagatšana yo monnyane yo, Isebele, yo a bego a le morapelamedingwana, gomme o mo tlišitše ka gare, le go tliša borapedi bja medingwana ka go Israele. A ga le elelwe seo? Sona sekai se sebotse.

<sup>116</sup> Ge Boprotestant bo nyetše ka go Boroma, ba tlišitše bodiredi bja medimo ya diswantšho gape ka go Bokriste, ka go lebaka la leswiswi; tlwa—tlwa, go ya ka thutafase.

<sup>117</sup> Bjale šetšang ge e etla ntle ka go lehlakore le. Fa le swere eng? Kemedi bakeng sa Moya wo Mokgethwa; senkgwana. Kemedi bakeng sa kolobetšo ya meetse Leineng la Jesu Kriste; Tate, Morwa, Moya wo Mokgethwa. Ba dirile se sengwe le se sengwe kemedi. Nka kgona go tsea le go netefatša ka Lengwalo; kemedi morago ga kemedi.

<sup>118</sup> Gomme Martin Luther o dumelelana le yona. John Wesley o tla thwi mmogo le selo sa go swana, gomme a dumelelana le yona. Fao ga se gwa ke gwa ba yo motee le neng, ka Beibeleng, a kilego a fafatšwa. Ga se gwa ke gwa ba selo se se bjalo. Fao go be go se selo se se bjalo ka Beibeleng, go se thomo goba taelo ya yona le gatee, eupša o a e dumelela. Yeo ke nnete. O a e dumelela. Ba tšwela ntle gomme ba tsea sešikinyi se sennyane se sa letswai gomme ba se fafatša godimo ga gago. Gobaneng? Kereke ya Katoliki e e thomile, gomme o inama go yona. Nnete.

<sup>119</sup> Moisa o rile, letšatši le lengwe, o rile, “Ga o . . . Wena, o no se be Mokatoliki. Wena o . . .”

<sup>120</sup> Ke rile, “Aowa, ngwanešu. Ke nna Moprottestant. Ke ganana le selo.” Yeo ke nnete. Bjalo ka modiredi wa Ebangedi, le bana ba Modimo bjalo ka baithuti ba ka mo, bakeng sa Legodimo, gomme ke swanetše go ba rerela le go dula pele ga bona bjalo ka morutis̄i ka maswao le matete, ke tla ba moikaketši ge ke se ka emela se e bego e le therešo. Ke rile, “Ee, mohlomphegi. Ke tla ema, ge go ka mpolaya. Ke ya go dira. Ke—ke tla no ruta se Beibele e lego.”

<sup>121</sup> Gomme ke a rata, nako efe kapa efe, go E ahlaahla le mang kapa mang, le a bona; a nke a be mopapa wa Roma, goba mopišopomogolo, goba e ka ba eng a lego. Le a bona? Ee, mohlomphegi. Yeo ke nnete. Ge eba ke phošo, etla o mpontšhe. Bjale, ga ke phošo, gobane ke tsopola Lengwalo. Wena . . . Nka se tsee pukungwalwa ya gago. Ye ke Puku ya sehlogo, thwi fa.

<sup>122</sup> Bjale, ka gona, le ela hloko, ba thoma go tšwela ntle le female ye yohle.

Bjale, ka matšatšing a mafelelo, fao go tla tlhomaro.

<sup>123</sup> Bjale re, e ka ba, Dikutollo tema ya 13 bjale, le go thoma. Bjale ge le ka hlokombela, pele tlase ka go tema fa, o rile, “Ke lebeletše, gomme bonang, Kwana e eme godimo ga thaba ya

Sinai . . ." Aowa, ke kgopela tshwarelo ya lena, ke ka go temana ye e fošagetšego, tema ye e fošagetšego, tema ya 14. 13:

...Ke eme godimo ga lešabašaba la lewatle, gomme ke bone sebata se etla godimo go tšwa ka lewatleng, se na le dihlogo tše šupa le dinaka tše lesome, gomme godimo ga dinaka mefapahlogo ye lesome, le godimo—godimo ga dihlogo tša gagwe leina la maroga.

<sup>124</sup> *Maroga* ke eng? Ke go "dira metlae ka, go nyefola, go bolela ka yona." Bjale šetšang, o be a na le "dihlogo tše šupa, dinaka tše lesome." Gomme šetšang ge a "tlile go tšwa ka lewatleng." Bjale Dikutollo 17, lena ba le e ngwalago, 17:15, o boletše gore me—gore *meetse* a emela "leswethe le lešaba la batho." Kafao *sebata* se se emela "maatla, maatla a go hloka modimo." "Sebata sa go ja se phagametšego godimo go tšwa go batho, gomme o eme godimo ga mašabašaba a lewatle. Gomme ke bone sebata . . ."

*Gomme sebata se ke se bonego se be se le boka . . .  
lepogo, . . . maoto a gagwe a be a le dinao tša bera, . . .  
molomo wa gagwe . . . molomo wa tau: gomme terakoni  
e mo file maatla a gagwe, le . . . setulo, le maatlataolo a  
magolo.*

<sup>125</sup> "Terakoni!" Re ne dilo tše pedi ka tlase ga kelohloko bjale. Šetsang sebata se. Se bile le dimelo tše nne tša go fapania ka go sona.

<sup>126</sup> Gomme ge le ka tsea Daniele 7, lena bao le e marakago, Daniele 7. Daniele o bone pono ya go swana, mengwaga ye makgolo seswai pele ga ye, o bone pono. O bone dibata tšela, di arogana, se tee go tloga go se sengwe, mo mathomong a pušo ya Bantle.

<sup>127</sup> Gomme šedi, Johane a se bona, le bofelo bja pušo ya Bantle, dibata tšela tšohle tše nne di emetšwe ka go setee. Bona bodiabolo ba go swana ba kgale, matimone ao a bego a rua mmušo wo mongwe le wo mongwe wa Baroma, go theoga go kgabola, le Bagerika, le go ya pele, pele go theoga lebaka la Bantle, ba tlile thwi tlase gomme bohle ba kopane godimo ka go sebata se tee. Re tla mo hwetša, thwi, le go bona ke yena mang. Nnete. Tšohle tšela, lepogo, tau, tšohle tšela, terakoni. Ke ba bakae ba tsebago se terakoni e lego? *Terakoni* e emela "Roma." Ya.

<sup>128</sup> A re—a re baleng yeo. Yeo, yeo ke mohuta wa go botšišwa ka monaganong wa gago. Mphe Dikutollo tema ya 12, feela nakwana fa. A re lebeleleng mo, Dikutollo 12. Bjale lebelelang.

*Gomme go tšweletše matete a magolo legodimong;  
mosadi . . .*

<sup>129</sup> *Mosadi* o emela eng? "Kereke." Yo ke—yo ke monyalwa mo. Ye ke kereke, kereke ya kgonthe.

*...mosadi a apere letšatši, gomme ngwedi ka tlase ga dinao tša gagwe, ...*

<sup>130</sup> Lebelelang, ngwedi ka tlase ga gagwe... “Letšatši hlogong ya gagwe, ngwedi ka tlase ga dinao tša gagwe.” *Letšatši* e be e le “lebaka la mogau.” Gomme *ngwedi* e be e le “lebaka la molao.” *Mosadi* e be e le “kereke ya Orthodox,” gomme o be a eme godimo ga molao. Molao o be o feta, ka baka la gore molao e be e le moriti wa dilo tše botse tše di bego di etla. A seo ke therešo? Ngwedi o no ba moriti, wa letšatši o bonagala go ngwedi (a yeo ke nnete?), o dira ngwedi. Gomme molao o be o le ka tlase ga maoto a gagwe; o be a phetše go kgabola letšatši leo. Gomme hlokomelang ka fao a bego a apere fa bjale.

*...gomme ka tlase ga maoto a gagwe, le godimo ga hlogo ya gagwe mphaphahlogo wa dinaledi tše lesomepedi: (Kereke e rwešitšwe mphaphahlogo ka Thuto ya baapostola ba lesomepedi, le a bona.)*

*Gomme yena go beng le ngwana o goeleditše, a šokwa mo tswalong, ... a le bohlokong go belega.* (Yeo e be e le kereke ya Orthodox. Šetšang.)

*Gomme—gomme fao go tšweletše matete a mangwe legodimong; gomme bonang terakoni ye kgolo ye khubedu, e na le dihlogo tše šupago, ... (le a bona, bolokang tšela tše šupago monaganong bjale, “dihlogo tše šupago,” ka mehla)... dihlogo tše šupago... dinaka tše lesome, le mefaphahlogo ye šupago godimo ga dihlogo tša gagwe.*

*Bjale, gomme mosela wa gagwe wa goga karolo ya boraro ya dinaledi tša legodimo, gomme wa di lahlela lefaseng: gomme terakoni e eme pele ga mosadi yo a bego a le komana go belega, go metša ngwana wa gagwe ka pela ge a tswetšwe.* (Lebelelang!)

*Gomme o belege ngwana wa mošemane, yo a bego a tla buša ditšhaba tšohle ka molamo wa tshipi: gomme ngw ngwana o ile a ubulelwa godimo go Modimo, le go terone ya gagwe.*

<sup>131</sup> Kereke ya Orthodox e eme kua; letšatši le phadima fase; Thuto ya baapostola ba lesomepedi. Go lokile. Ka ngwedi ka tlase ga dinao tša gagwe, molao, moriti wa dilo tše di tlago; Seetša sa Ebangedi se phadima bjale, molao o timeletše kgole ge Letšatši le tšwela ntle.

<sup>132</sup> “O šokilwe go belega, gomme o tlišitše Ngwana Monna,” e bego e le Kriste Jesu, “gomme O ile a tšeelwa godimo go Modimo. Eupša ka pela...” Še yona. “Ka pela ge terakoni, e bego e le diabolo, e bone mosadi a le komana go belega, o eme thwi hleng le yena go metša Ngwana wa Gagwe ka pela ge A belegwe.”

<sup>133</sup> Gomme ge Jesu a tswetšwe, Mmušo wa Roma o ntšhitše kwalakwatšo, go bolaya bana bohole go tloga go mengwaga ye mebedi bogolo, go theoga, go fihla go bolayeng Kriste Jesu. Gomme Modimo o gogetše wulu godimo ga mahlo a gagwe, gomme o Mo tšeetše tlase ka Egepeta le go Mo uta, bjalo ka ge A dirile Moshe ka tsela ya go swana.

<sup>134</sup> Terakoni yela ye khubedu šeo, diabolo. Setulo sa gagwe se kae? Ka go... E sego ka Russia; ka Roma! Gomme o rile, “Diabolo o mo fa setulo sa gagwe le maatlataolo a gagwe, terakoni ye khubedu,” e sego Russia.

<sup>135</sup> Ke kwa badiredi ba bagolo ba re, “Morussia ke molwalekriste.”

<sup>136</sup> Gobaneng, Morussia ga a na le selo go dira le molwalekriste. Yeo ke bokomonisi. Maaka a Boprotestant le Bokatoliki a tšweleditše bokomonisi. Lebaka le Russia e ba rakilego go tšwa fale, ka gore ba bile le tšhelete yohle. Gomme ba bile le dithapelo tšohle di boletšwe go bona bakgethwa, kafao ba agile meago ye megologolo, gomme ba bile le lehumo lohle la batho, gomme ba le kgoboketša ka mokgwa woo. Gomme ba bone gore ba be ba sa phele go fapania, gomme ba be ba sa fapania go tšwa go e ka ba mang wa lefase ka moka, gomme ba e tshetše ntle le go bopa bokomonisi.

<sup>137</sup> Bjale ge le ka mpha bošego bjo bongwe gape, ge Modimo a dira, ke tla netefatša go lena gore bokomonisi bo šoma thwi ka diatleng tša Ramaatlakamoka Modimo, go senya ya Roma tor-... Gomme, elelwang, ke bolela se bjalo ka moprofeta wa Modimo, mmušo wa Russia o tla lahlela pomo ya athomo ya mohuta wo mongwe godimo ga Toropokgolo ya Vatican le go e senya ka iri e tee. O RIALO MORENA. Gomme Beibele e boletše gore Modimo o tšere bona banna ba dipelo tše šoro le go ba bea ka diatleng tša Gagwe, gomme ba be ba le didirišwa ka diatleng tša Gagwe, “go phethagatša thato ya Gagwe,” le go tliša morago go yena tlwa se a bilego se etla go yena. Seo ke tlwa. Leo ke Lentšu.

<sup>138</sup> Ngwanešu, o no se lemoge ka fao dilo tše di lego mahlajana! Elelwang, Jesu Kriste o boletše gore molwalekriste o tla batamelana kudu go fihla a tla fora le bona bakgethiwa. O rile, “Bjale o se dumelele motho e ka ba mang go go goketsa.” O rile, “Le se be bjalo ka bahetene, la bolela thapelo ya lena gape le gape, ‘Dumela Maria, o wa lehlogonolo wena, wa go tlala mogau, gomme wa lehlogonolo ke...’” O rile, “Le se be boka bahetene, ba šomišago go toute ga lefeela.” O rile, “Gomme le se bitše motho ‘tate,’ ka morago ga lefase le, e ka ba, goba... bjalo ka ge le na le Tate yo motee, gomme yoo a lego Legodimong.”

<sup>139</sup> Eupša o retologa go dikologa, wa hlokologa seo, o a e dira go le bjalo, ka gore e tumile. Diabolo ka mehla o bile le selo sa go tsebalega. Ka mehla go bile, go tloga mathomong, “sebopego sa bodumedi.” Kaine o bile le selo sa go swana. Moya wa gagwe

šo o sepelela thwi ka fa, ka molwalekriste; gomme Abele šo o a tla, yo a bolailwego, le yena. Yeo ke nnete. Elang hloko, gomme bjale lebelelang.

<sup>140</sup> Dibata tše tšohle, morago kua, tšohle di tatologetše godimo ka go sebata se tee godimo mo, ye e bego e bitšwa “terakoni ye khubedu,” diabolo.

Bjale a re thomeng go temana ya 15 ya tema ya 13.

<sup>141</sup> Le a bona bjale gore *Roma* e be e le—e be e le “setulo sa Sathane.” Sebata sa hlogo tše šupago ka dinaka tše lesome se eme hleng le Ngwana, Kriste Ngwana, go Mo metša feela ka pela ge A tswetšwe. Ke mang a e dirilego? Herode, Roma; ka mehla e bile. Re tla tsena ka go Daniele, thwi, ge re na le nako ya go lekanelia, gomme Morena a re thuša, gomme re tla bona.

<sup>142</sup> Boka mogohle ka Mangwalong, go tloga mathomong a Bantle, thwi morago go tloga go Genesi, nka netefatša gore Babilonia e thomile ka go Genesi gomme e felela ka go Kutollo. E thomile ntle kua le Nimirode, morwa wa Hama, ka go direla medingwana, go tliša medingwana ka gare, go rapela medingwana. Gomme e tlide thwi tlase go kgabola, gomme, go jabetša kudu matšatšing a mafelelo go fihla go tše leina la Bokriste, gomme, go le bjalo, go direla medingwana!

<sup>143</sup> A Mokgethwa Paulo yo mogolo, ka go Bathesalonika ba Bobedi, ga a re? A re nong go e bala, pele re eya bokgole bjo bo itšego. Bathesalonika ba Bobedi, tema ya bobedi, le go bona se Paulo a se boletšego fa. Ebile o e bone ka Moyeng, pele ebile e etla ka go letšatši le re phelago ka go lona.

<sup>144</sup> Gabotse, nna, ka fao letšatši le re phelago ka go lona, leswiswi le re phelago ka go lona, gomme banna le basadi ba phiphila e ka ba fa ka go leswiswi la bohetene gomme ebile ga ba tsebe. A—a kwelobohloko! Ka fao letšatši leo . . .

<sup>145</sup> Paulo o rile, “Letšatši leo ga la swanela go tla, ntle le ge fao go etla go wa pele, gomme monna wa sebe a utollwa.” Bjale šetšang, o mmolela go ba motho. A yeo ke nnete? Paulo o rile, “O be a le motho wa sebe, yo a ikganetšago yenamong gohle ka godimo ga tšohle tše di bitšwago Modimo, kafao yoo a rapelwago bjalo ka Modimo.” Motho, a rapelwago bjalo ka Modimo; motho yoo a tla bewago fa bjalo ka sebopego sa thapelo. Gomme o rile, “Letšatši leo le ka se kgone go tla ntle le ge pele fao go etla go wa.” Ke eng? Seemo sa bolelo sa kereke. Go lokile.

<sup>146</sup> Theetšang. A nke ke le balele yona, ge le rata, Bathesalonika ba Bobedi. Go lokile. Ge nka kgona go hwetša lefelo la maleba bjale, go thoma, gore re se swanele go bala bontši kudu. “A nke go se be motho a le forago,” temana ya 3, Bathesalonika ba Bobedi, tema ya 2.

*A nke go se be motho a le forago ka mokgwa e ka ba ofe: gobane letšatši leo le ka se tle, ntle le ge go etla*

*go wa pele*, (Lebaka la Kereke ya Laodikia bjale) . . .  
*gomme monna yola*, (m-o-n-n-a, botee) . . . *monna wa sebe a utollwa, morwa wa tahlego*; (sebakeng, sebakeng sa Morwa wa Modimo), *morwa wa tahlego*;

*Yo a ganetšago (yenamong) le go ikgodiša yenamong ka godimo ga tšohle tše di bitšwago Modimo, gore a rapelwe bjalo ka Modimo; gore yena bjalo ka Modimo a dutše ka tempeleng ya Modimo, a ipontšha yenamong gore ke yena Modimo.* (Go amogeleng maipolelo!)

<sup>147</sup> O se ke wa mpotša, mogwera wa ka wa Katoliki! E bjang, o re ga “o dumele go eupša lenyalo le tee; kereke ya Katoliki e kgomarela ka lenyalo le tee.” Ge o se ne tšelete, seo se lokile. Eupša a nke ke le botše, thwi fa ka go batho bagešo; mosadi yo moswa o dutše thwi mo, mme o dutše mo, le tate, le yena; le mosadi yo mongwe mo le mošemané yo monnyane yo. Mosetsana o nyetšwe ke mošemané wa Moprottestant; ba arogane le go ya ntłe. Kafao morago, selo sa pele le a tseba, mosetsana o be a eya go nyalwa ke mošemané wa Mokatoliki; gomme o ile a swanela go ya ntłe le go patela tšelete ye ntši, gomme a bowe morago, gomme, “O be a se a nyalwa ke mošemané yo wa Moprottestant, lefelong la pele.” Howard šo, batho bagešo . . .

<sup>148</sup> Gabotse, thwi godimo fa . . . Nka se bitše leina. O na le—o na le morwedi, gomme morwedi o na le mengwaga ye masomepedi tshela ka bokgale. Monnamogatša wa gagwe, o mo tlogetše tlase ka Milltown, le go tšhaba le go nyalwa ke monna wa Katoliki. Gomme bjale ba rile, “O swanetše go tšwela ka ntłe ga kereke.” Kafao ba lefile tšelete ye ntši kudu, go tla morago le go “mo fetola morago go kgarebe gape,” le go mo nyadiša morago go monna yo. Ditšila! Go mo fetošetša morago go kgarebe? O nyetšwe, pele ga Modimo, le go phela ka bootsweng. Yeo ke nnete tlwa. Yeo ke O RIALO MORENĀ, le yona. Therešo.

<sup>149</sup> A kgobogo! “Patela tšelete ye ntši ka gare.” Ke ka lebaka leo dikereke tše kgolo tše le dikolo di agilwego. Ke ka mokgwa woo. Lefase ka moka . . . Ga le e tsebe, mo ka United States. Le swanetše go ntatela mošwamawatle, gatee, gomme le tla hwetša. Ee, mohlomphegi. O ya godimo kua, ngwanešu, moo ba nago le seatla sa godimodimo.

<sup>150</sup> Nka kgona go le tlišetša seswantšho, kgonthe, Ngwanešu Kopp o nno se tše, le go nthomela, sa moreri wa Moprottestant, Moreri wa Moya wo Mokgethwa, a robetše mo mokgotheng, a kokomogile gabotse kgauswi bogodimo *bjoo*, yena le mosadi wa gagwe, le mosetsana yo monnyane, ba kokomogile ka mokgwa woo; gobane ba rerile Jesu Kriste, maatla a tsogo, gomme batho ba ka phološwa le go amogela Moya wo Mokgethwa. Ba ba bolaile mo mokgotheng, gomme ba se ba dumelele go bolokwa, le go ba tshwela, lebaka la matšatši ka morago ga matšatši. Yeo ke nnete.

<sup>151</sup> Thwi fao Ngwanešu Osborn a ilego a swanelo go swarwa, ka tlase ga dithunya, go ba ntšhetša ntle. Ba ile tlase kua, gomme yo motee... sehlopha sa baprista se tlie mmogo gomme sa bolaya lesogana le. Gomme mosadimogatša o be a sa tšwa go ba le lesea. Gomme ba sepetsé go kgabola mokgotha ka mokgwa woo, ba na le mo—mo—mo mofelegetši go mo tseela tlase lebitleng, go mmoloka. Gomme mme yo a sepela, le lesea, a lla, ka morago ga monnamogatšawa gagwe wa go hwa. Gomme batho ba ile ba lebelela ka ntle ga lefastere, batho ba dipelo tša go botega, ba rile, “Ge yeo e le tsela ye kereke ya Katoliki e ikwago, re a e gana.” Gomme ba latela, ka dikete, go theoga mokgotha. Ngwanešu Osborn o bile le tsošeletšo fale, go fihla ba se ba kgona go mo ntšha setšhabeng. Go be go le batho ba bantši kudu. Yeo ke nnete tlwa.

<sup>152</sup> Oo, boikaketši bjola! Ke a tseba ke seswantšho se sebe. E no dulang tuu, bagwera ba Katoliki, re tla hwetša go fogohletša ka lehlakoreng le lengwe, mo metsotsong e se mekae. Go lokile. Elang hloko.

<sup>153</sup> Bjale re ya go tla fase, elang hloko, kgojana gannyane. A nke ke tliše se go lena. Mohlomongwe nika ba le nako, ke ne metsotso ye masometharo gabjale. Šetšang sekgauswi. Bjale a re yeng morago, mmadi yo mongwe le yo mongwe, feela ka monaganong wa gago, motsotso, bakeng sa seswantšho sa monagano. Ge...

<sup>154</sup> Modumedi yo mongwe le yo mongwe wa Orthodox mo o a tseba gore pušo ya Bantle e thoma ka Kgoši Nebukadinetsara. A yeo ke nnete? Modumedi yo mongwe le yo mongwe wa Orthodox o tseba seo. Gomme Kgoši Nebukadinetsara o bile le pono, gomme Daniele o mo file tlhathollo. A yeo ke nnete? Gomme e be e le hlogo ya gauta, e bego e le Babilonia; wa bobedi e be e le Bameda le Baperesia; wo o latelago e be e le mmušo wa Bagerika; morago Mmušo wa Roma. Gomme mafelelong a Mmušo wa Roma, Jesu Kriste e be e le Leswika le le matlotšwego go tšwa thabeng, ntle le diatla, leo le pshikologetšego ka gare le go thuba seswantšho (a ke nnete?), le go khupetša lefase. Yo mongwe le yo mongwe o tseba seo. Modumedi yo mongwe le yo mongwe o tseba seo.

<sup>155</sup> Gomme ka fao gore, ka matšatšing a mafelelo, ge ba phatlogela godimo ka go mebušo ye mentši ye ya go fapano, le go ya pele, go menwana, go be go le tshipi le letsopa. Gomme go ra gore, moprofeta o rile, “Bontši bjo o bonego tshipi le letsopa di ka se hlakane mmogo, le bile tše di ka se kgomagane e tee go ye nngwe.” Eupša di tla tswakanya tšona dipeu, tša leka... Ka mantšu a mangwe, ba tla nyala ka go bona, ba leka go godiša bana ba bona le go roba, bakeng sa maatla, ka mokgwa woo. Gomme le a tseba yeo ke therešo. Eupša, maswaro, e na le, gomme lena batho le a e kwatamela, “Oo,” o re, “go a makatša.”

<sup>156</sup> Lebelelang Stevenson yo, e ka ba eng leina la gagwe le lego, godimo mo. Bjale la gagwe... godimo mo. Leina la gagwe ke mang? Ke lebetše feela... Mothaka godimo mo, yo a godišago go ngangana gohle go dikologa mo. [Phuthego e bolela leina—Mor.] Ya. Oo, nna!

<sup>157</sup> United States ye e bodile go fihla kgwekgweng. Ee, mohlomphegi. Nka kgonaga go netefatša go lena yona nako ge... Mosadi yo mo, morago ka go Kutollo 12, ge... Ngwana wa gagwe wa monna o ile a tšeelwa godimo go dula Teroneng ya Modimo, gomme, ge e dirile, mosadi o tšhabetše ka lešokeng, moo a bego a hlokomelwa lebaka la matšatši a sekete makgolopedi le masome tshela, go tlwa letšatšikgwedi la Plymouth Rock, tlwa, moo kereke e tla go godimo fa bakeng sa tokologo ya bodumedi, gomme e tsemilwe fa.

<sup>158</sup> Gomme re tla bala go theoga ka go tema ya 13 ya Dikutollo fa, le go lebelela fa go temana ya 15. Gomme, bjale, motsotsotso feela, ke nyaka go ya morago pele ga fao, gomme re bona mo fao gore O be a eme mo kgauswi le thoko ga lewatle. Bjale ge nka no hwetsa lefelo, moo, temana ya 11.

*Gomme ke bone sebata se sengwe se etla godimo go tšwa lefaseng; (e sego go tšwa—go tšwa meetseng)...*

<sup>159</sup> “Go tšwa lefaseng.” Ka gona, bokoto le mašaba a batho ke meetse, ka gona mo ke mo go bego go se batho, United States.

*...gomme o be a na le dinaka tše pedi boka kwana,...*

<sup>160</sup> “Dinaka tše pedi boka kwana,” e sego kwana. Ke eng? Ke nare ya rena ya Amerika. Kgonthe. Le a bona, šole fale, “dinaka tše pedi boka kwana.” Eupša morago o dirile eng? O be a na le tokologo ya bodumedi, pele; o be a dira bjalo ka kwana, o be a bolela bjalo ka kwana. Eupša, elelwang, ga se nke a ke a ba kgapa ya kgale. O be a le kwana. Naga ye e no ba lekgolo le masometlhano a mengwaga ka bokgale, le a tseba, e no ba kwana.

*...gomme morago o boletše boka terakoni.*

*Gomme o dirile maatla ohle a sebata sa pele se bilego le wona pele ga gagwe, (terakoni ye khubedu), gomme o hlotše bohole ba ba lego lefaseng, bao ba dulago godimo ga lefase, go rapela... sebata, seo ntho ya sona ya go iša lehung e fodišitšwego. (Lebelelang!)*

*Gomme—gomme o dira matete a magolo, kafao go mo direla mollo go tla fase go tšwa legodimong... (Pomo ya athomo, le haetrotšene; ditswerere, setšhaba se bohlale, le go ya pele, se forago ditšhaba ka dilo tše.)*

<sup>161</sup> United States ye e tla tla go nako moo kereke le mmušo di tla kopanago mmogo. Gomme Protestant le Katoliki di tla lahlela dilo tša tšona mmogo, go lwantšha bokomonisi. Gomme e bapalela tlwa ka diatleng tša se Modimo a se boletšego thwi mo.

<sup>162</sup> Gomme lena Maprotestant le robetše mošola, le robala too, le bala kgatišbaka ya kanegelo ya lerato sebakeng sa Beibele ya lena! Ntle, le thetha gohle felotsoko, go mohuta tsoko wa phathi, sebakeng sa ka kopanong ya thapelo felotsoko; le baka seng sa lena ka dilo tše nnyane tša kgale tša lefeela tše di sa tshwenyego kudu *goo*. [Ngwanešu Branham o thwantšha menwana ya gagwe—Mor.] Le swanetše go ba matolong a lena felotsoko, ge le tseba se Bokagosafelego bo bego bo se ra.

<sup>163</sup> Elang hloko, ge, Kgoši Nebukadinetsara, mo mathomong morago kua, ge lebaka la Bantle le tsentšhwa. A re šetšeng ka fao le tsenago. Gomme ka tsela ye le tsenago, le tla hwetša le ya ntle ka tsela ya go swana. Re a tseba gore go ne mathomo a nako ya mogau bakeng sa Bantle, le bofelo bja nako. A yeo ke nnete?

<sup>164</sup> Bjale šetšang, ge Kgoši Nebukadinetsara...ge Daniele a rometšwe tlase fale, moprofeta wa setswerere, ge bohle ka moka Bajuda ba bile mohuta wa go kokobela tlase gomme ba khunamela Baroma...goba go Bababilonia. Eupša go bile ba bararo, banna ba bane; ba bararo (Sadirake, Mesake le Abedinego), le Daniele, ba ba rerilego ka pelong ya bona ba tla hlankela Modimo. Gomme morago ge ba lahletše Sadirake, le go ya pele, ka go... Gomme Daniele o bile monna yo mogolo, le pele ga Kgoši Nebukadinetsara le Belesatsara, le go ya pele. Ge a eba monna yo mogolo, bjale šetšang, Kgoši Nebukadinetsara o dirile seswantšho sa gauta gomme a se bea godimo ntle ka tšhemong, gomme o boletše gore yo mongwe le yo mongwe o tla swanela go khunamela seswantšho sela.

<sup>165</sup> A le kile la ela hloko go hloka molato ga sona, yo seswantšho sela se dirilwego ka yena? E be e le Daniele, seswantšho sa motho. Gomme a yena ga se a ke a re, “meoya ya medimo,” bahetene? Gomme bjalo ka ge re le lehono, o na le ba bararo goba ba bane ba bona. “Meoya ya badimo e phela ka go yena,” gomme ba dirile seswantšho go Daniele. Gomme o rile, “Bohle bao ba ka se khunamelego seswantšho sela, ba tla lahlelwa leubeng la mollo.” Le ela hloko, Daniele o tlogile go lefelotiragalo ka nako yeo. Le hwetša se ke se rago? “Gomme e ka ba mang a ka se khunamelego seswantšho sela o swanetše go segwa diripa, goba go lahlelwa ka moleteng wa ditau, goba go swa ka leubeng la mollo, goba se sengwe, kotlo.”

<sup>166</sup> Yeo ke tsela ye lebaka la Bantle le thomago, ka sebopego sa bohetene sa borapedi bja bodumedi, ka tlhomaro go ba dira ba se khunamele. Gomme Beibele e akanyeditšepele le tla fela ka tsela ya go swana, “Monna yo mokgethwa,” Jesu Kriste; seswantšho go Yena, go se rapela, le go ya pele.

<sup>167</sup> Le a elelwa, ka go puku ya Foxe ya bahwelatumelo, ba be ba swara sefapano pele ga bona, ba bea pholo go letsogo le lengwe le le lengwe ka mokgwa woo, gomme ba tla re... Ge o ka se gane, gane Boprotestant, gomme wa ba Mokatoliki gomme “wa atla

sefapano se.” Ba be ba tla thoma pholo e tee ka tsela e tee, le e tee ka tsela, gomme morago ba di goga go arogana. Ba ba tshumile dikoteng. Ba dirile se sengwe le se sengwe. Ke be ke le mabitleng a ka fase a kgale; ke tseba se ke bolelago ka sona. Gomme, le a bona, yeo, yeo ke nnete. Gomme šebale ba a robala. Gomme elang hlokoka fao ba ilego go kgabola matšatši ale a bohwelatumelo pele ga Martin Luther. Go ya ka Beibebe, gape.

<sup>168</sup> Bjale elang hlokoka sekgauswi gape bjale. Bjale ke le nyaka selo se segolo go hlokomba. Mmušo wola wa Babilonia o thubegile bjang? Bošego bjo bongwe ge ba ile godimo le go tšeа dibjana tše kgethwa tša Modimo, le go thoma go nwa beine ka go tšona; go thoma go ba le nako ye kgolo, le go hwetša sehlopha sa basadi ntle kua, metlabo, gomme ba be ba bina le go ipshina le go ba le nako ye kgolo. A yeo ke nnete? Ka nako yeo go bile le mongwalo wa seatla o etla lebotong, “MENE, MENE, TEKEL, UPHARSIN.” A ke nnete? Gomme ba ile ba tšeа Bakaladea bohole ba bona, monna wa bona wa setswerere, maloko a kerekere a bolelo, gomme ga a gona wa bona a kgonnego go e bala. Yeo ke nnete.

<sup>169</sup> Eupša ba bile le monna fale yo a kgonnego go bala maleme a šele, haleluya, o kgonne go a hlatholla. Le bona se ke se rago? O kgonne go hlatholla maleme a šele. Ke ka tsela yeo o ilego ntle.

<sup>170</sup> Yeo ke tsela ye a yago ntle bjale, ka maatla a Moya wo Mokgethwa go batho ba ba tladitšwego ka kolobetšo ya Moya wo Mokgethwa, ba ba nago le maatla le maswao le matete. Šeo Kerekere ya Bantle e a ya. Mašalela šeao.

<sup>171</sup> Fao ke ka mokgwa wo e tsenago ka gare, fao ke ka mokgwa wo e yago ka ntle, tlwa, go khunama le go gapeletša go seripa sa bodumedi bja bahetene. Gomme Modimo a gateka gare ka go iri ya tšhoganetšo le go ngwala ka maleme a šele, gomme monna o a le hlatholla. O kgonne go hlatholla. O be a sa tsebe leleme leo; ga go yo mongwe gape a le tsebilego. Eupša o bile le Moya wo Mokgethwa wa go swana, woo o mo dumelitšego go hlatholla leo, ke Moya wo Mokgethwa wa go swana ka Kerekere lehono.

<sup>172</sup> Le O bitša “bohlanya.” Ke tla dumela ba na le bontši bja bjona. Eupša, ngwanešu, go na le o tee wa kgonthe fao, le wona. Yeo ke nnete, wa kgonthe fale, le wona. Diabolo o lahlela wa bofora wo mongwe le wo mongwe a ka kgonago, thwi mo tseleng, go go gakantša. Gomme ge o sa nagane bontši ka Modimo go feta go ya tlase le go bala Beibebe ya gago, le go rapela le go kgopela Modimo, gona go ya go bontšha ga o na kgahlego kudu ka soulong ya gago.

<sup>173</sup> Sepelela thwi pele ntle kua gomme o re, “Modimo, ga ke kgathale ke ditšeletši tša legokubu tša kgale tše kae O di beilego ntle kua. Ke bona Beibebe ya Gago e e bolela, gomme ke ikemišeditše!” Yeo ke nnete. “O o tshepišitše go nna, peu ya Abraham.”

<sup>174</sup> Modimo o go biditše, o tla tla go Lona; eupša ge o se, ga ke tshwenyege gore o wa bodumedi bjang, o ile; yeo ke phetho, o ka se kgone go tla. Ga go motho a ka kgonago, ntle le ge A go biditše. Gomme ga A rate gore e ka ba mang a īahlege, eupša bontši bja lena le tla dira gobane le sa amege kudu ka Lona.

<sup>175</sup> Gomme o tla ya go dikologa le go bona se sengwe se lebega bohlanya gannyane, moriti wo monnyane, “Gabotse, Ngk. Semangmang o boletše *bjalo le bjalo*, le go ya pele.” Gomme ka gona o sepela go dikologa le go rogaka Moya wo Mokgethwa, o a tseba seo ke therešo, gomme ga se ya ke ya lebalelwa.

<sup>176</sup> Le ya go hwetša metsotsong e se mekae se leswao la diabolo le lego sona, seo—seo leswao la diabolo le lego sona, leswao la sebata. “Mang le mang a bolelago kgahlanong le Moya wo Mokgethwa, a ka se tsoge a lebaletšwe yena, ka lefaseng le, goba lefaseng le le tlago.” Setšang kereke yela ya mathomo, se ba se dirilego. Šetšang, e ka ba ye, kereke ya bobedi! O ka kgona go itswalelala ka bowena ka ntle ga Mmušo wa Modimo, le go ya ka go diabolo; ntle ka go moo go lego “go se nago tebalelo, ka go lefase le, le ge e le le tee le tlago.” Therešo. Kafao, hlokamel, sepela ka tlhomphokgolo. Hlokomela se o se dirago, gobane ga o tsebe se se tla diregago.

<sup>177</sup> Bjale, re bona sohle se bjale se pakelana fase. Ke na le metsotso ye masomepedi. Ke nyaka le phetle le nna go tema ya 17, Dikutollo, go fetša feela mo dinakwaneng di se kae. Bjale re ya go betha tsela gae. Theetšang kgauswi. Bala le nna. Bula Beibele ya gago gomme o be komana go bala. Se se swanetše go e tswalela.

<sup>178</sup> Elelwang, go na le maswao a mabedi; letee ke bokgelogi, le lengwe ke Moya wo Mokgethwa. Le tee ke leswao la diabolo.

<sup>179</sup> Elelwang, ke boletše se, gore kereke ya pele ya Katoliki... Bjale, batho ba Katoliki, dulang ka tlhomphokgolo lebaka la metsotso e se mekae. Kereke ya pele ya Katoliki e bopile kgopolu ya bona beng ka selo. Ba bile le thuto ya maaka, ya senkgwa se sekgethwa, ya go tšea senkgwana sebakeng sa kolobetšo ya Moya.

<sup>180</sup> Protestant e Bea go šikinya diatla, goba go dira kenotshepišo; bobedi bja bona ba phošo, go ya ka Lentšu la Modimo. Ye ke polane. Ba a tla le go kolobetša, “Tate, Morwa, Moya wo Mokgethwa,” ge go se tlhasana ya nako e tee e ka ba mang a kilego a kolobetšwa ka tsela yeo; ye ka go felela e lego bohetene, kolobetšo ya Katoliki. Gomme ba e amogela, gomme ba re, “Lena Maprotestant le khunamela kolobetšo ya rena.”

Ke rile, “Gobaneng o e dira?”

<sup>181</sup> O rile, “Kereke ya Katoliki e ne maatla go fetola Lengwalo e ka ba lefe ba nyakago.”

Ke rile, “Ao ke maaka.”

O rile, “Gobaneng o e khunamela gona?”

<sup>182</sup> Aa, gona le tla homola. E sego nna! Ga ke dumele go yona. Le ke Lentšu la Modimo. Yeo ke nnete. Ge batho ba nyaka go latela, ba swanetše go ya ba nnoši. Ke swanetše go bolela Therešo. Yeo ke nnete.

<sup>183</sup> Elang hloko, ka gona ba tla ntle le tšohle tše dingwe tše, kereke, ba tšoena katikasema ya yona ya kgale le tšohle dilo tšeо fao. A sehlopha sa ditseketske le ditšiebadimo! Gomme e phaphašitše dibilione tša baganamodimo, le ba go tonya fomale...

<sup>184</sup> Ke ya diabolo, mo mathomong. Gomme nka kgona go netefatsa go lena gore Beibele e boletše mo, “Lefase lohle le maketše ka morago ga maatla a sebata se; se bego se le gona, se se sego gona, efela se gona.” Se ka kgona go ba bjang, “se be se le gona, gomme ga se gona”? O rile, “Lefase ka moka le maketše ka sona.”

<sup>185</sup> Ge Roma ya bohetene e eba Roma ya bomopapa, ga se ya tsoge ya kgaotša. Tshepedišo ya Boroma e fedile; ge kgoši ye mpsha e etla ka gare, o nno beakanya lenaneo le leswa. Eupša ge ba etla ka go Roma ya bohetene, ka kereke ya Katoliki, ka bopapa, ga e tsoge ya emiša. Ge mopapa yo motee a ehwa, ba bea yo mongwe godimo; mopapa yo motee o a hwa, ba dudiša yo mongwe godimo. “Sebata se se bego se le gona, seo se sego gona, se lego gona bjale; seo se sego gona, seo se lego gona; seo... gomme se tla ya tahlegong.” O RIALO MOYA WO MOKGETHWA, ka Lengwalo.

<sup>186</sup> Bjale, theetšang. “Gomme fao go tlie yo motee...” Lena bohole šetšang bjale, tema ya 17.

*Gomme go tlie go nna yo motee wa barongwa ba šupago ba ba bego ba swere meruswi ye šupago, (yeo ke meruswi ya mafelelo, yeo e tšhollwago ntle), gomme o boletše le nna, a re... Rotogela fano; gomme Ke tla bontšha... wena kahlolo ya seotswa se segolo seo se dutšego godimo ga meetse a mantši:*

<sup>187</sup> Šetšang Dikutollo 12. Yoo e be e le mosadi kgarebe. O be a le mohumagadi wa kgonthe. O eme gabotse bjang!

<sup>188</sup> Eupša šo yo a biditšwego mmalegogwana, “s-e-o-t-s-w-a,” go ra wa go se... Ke eng sela? A re direng se modingwana... goba go se senka.

<sup>189</sup> Ntshwareleng. Ke kitima kudu; go naganeng ke ne metsotsa ye lesometlhano. Ke ya go dula iri ye nngwe nako yeo, kafao nno homolang. [Phuthego e re, “Amene.”—Mor.]

<sup>190</sup> Lebelelang. Go lokile. Lebelelang, a re e senkeng. Ke mosadi wa ditšila. Seotswa ke eng? Ke hloya go bolela lentšu, eupša le ngwadilwe mo ka Beibeleng. Ke mosadi yo a ipolelago go ba mosadi wa go loka, gomme o dira bootswa le banna ba bangwe. Bjale, ge mosadi a emela kereke, gona ke kereke yeo e ipolelago

go ba Mokriste, gomme e dira bootswa le dilo tše dingwe. A yeo ke nnete?

<sup>191</sup> “Gomme o dula godimo ga meetse a mantši; bokoto le mašaba a batho.” Balang... e ka ba temana ya 15 gomme le tla bona seo, le a bona. Goba, ya 17, go bapa ka fale. Re tla tla go yona mo motsotsong. “Mosadi yo a dutšego godimo ga meetse a mantši; seotswa.” A selo! Bjale ge nkabe re bile le matšatši ka morago ga matšatši, ke be nka tšeа mosadi yola le go mo lota mohlala go tloga go Kaine go ya go Tleng ga Morena Jesu, le go netefatša go lena o bile wa mathomo go kgatlofatša kereke. Ke mmago mokgatlo. Šetšang, “Gomme mosadi yo a dutšego godimo ga meetse a mantši. Godimo, o dutše godimo ga meetse a mantši.”

Bjale temana ya 2.

...yo di (d-i-k-g-o-š-i) dikgoši tša lefase di dirile bofefe, le badudi ba lefase ba dirilwe go tagwa ke beine ya bofefe bja gagwe.

<sup>192</sup> Ka mantšu a mangwe, o ipolela go ba kereke ya Bokriste; godimo, botse. Šetšang ka fao a aperego, mo metsotsong e se mekae, ka dipheta le gauta le matlapa. Ba re, “Ke mang a swanago le yena?”

<sup>193</sup> Gomme o be a na le komiki ka seatleng sa gagwe, e tletše ka “beine ya mabofefe a gagwe,” ditšila tša gagwe, thuto ya gagwe gore o be a hlola dikgoši, oo, go no ba le thapelo ye nnyane le “go le rapelela go tšwa phekatoring,” le dilo tšohle tše. Yeo ke yona. Ke lena bao. Leo ke Lentšu la Modimo ke le balago. Lebelelang, “Kafao o nthwaletše ka go...” Bjale a re boneng, le go dira beine... Yeo ke nnete, temana ya 3 bjale. Go lokile.

Gomme o nthwaletše kgole ka moyeng go ya ka lešokeng: gomme ke bone mosadi a dutše godimo ga se sehubedu mma... sebata, ... (“Bohubedu,” go huma, kereke ya go huma kudu lefaseng.)

<sup>194</sup> Ba a goeletša mo, “Ke mang a ka kgonago go dira ntwa le yena?” Go ne monna yo motee lefaseng, monna yo motee feela lefaseng, go lefase lohle, yo a nago maatla bjalo ka ge pono ya Kgoši Nebukadinetsara e bile. Yona menwana ye lesome e kitimela ntle ka go ye nngwe le ye nngwe... Mothaloo wola wa tshipi wa Roma o kitimela ntle ka go setšhaba se sengwe le se sengwe ka lefaseng. Ga go na le monna yo mongwe ka lefaseng a nago le polelo yeo mopapa wa Roma a nago yona. Mopresidente Eisenhower o kgona go bolela ka United States, gomme ke molao; eupša go na le ditšhaba tše dingwe a ka kgonago go bolela ka go tšona, gomme ga se selo. Eupša tlhatlamano ya Katoliki e ka bolela ka Roma, gomme setšhaba se sengwe le se sengwe se tla goeletša go yona. Yeo ke nnete. Yena šole. Bjale re ya go bona moo a lego, le go bona ge eba yoo ke yena goba aowa, go bona ge eba o swantšhitšwe fa gabotse. Go lokile.

*...gomme ke bone mosadi a dutše godimo ga sebata  
sa mmala wo mohubedu, (go huma), se tletše maina a  
maroga, . . .*

<sup>195</sup> Kolobetšo ya maaka; ekonomi ya maaka; go etapele batho ka bofou, e ba botša ba ka no tla kerekeng, ba dira boipolelo bja bona, le go ya pele, ba dira “Dumela Maria,” ba dira boitsholo. Go hloka tsebo! Ditšiebadimo! Ga ke bone ka fao batho, menagano ye mebotse ya setšhaba e lokilego, ba ka dumelago dilo tše bjalo.

*. . . se ne dihlogo tše šupago . . .*

<sup>196</sup> Ke lena bao gape, letimone le le swanago le le lego gohle go dikologa, terakoni ye khubedu, sebata le se sengwe le se sengwe, se na le “dihlogo tše šupa; dinaka tše lesome.”

<sup>197</sup> “Gomme mosadi,” mosadi, bjale, kereke. Bjale, *sebata* ke “maatla” a bilego le ona, kereke ya Roma ya Katoliki, eupša maatla a Roma ya Katoliki. Eupša, kereke še e a bolela bjale.

*Gomme mosadi o be a apere mmala wo moretele le  
bohubedu, gomme a kgabišitšwe ka gauta le matlapa  
a bohlokwa le dipheta, a swere komiki ya gauta ka  
seatleng sa gagwe e tletše makgapha le di ditšhila tša  
bofe fe bja gagwe:*

<sup>198</sup> Sole yena; ke kereke ye nngwe, le a tseba. A ga se yona? E swanetše go ba fao; o swantšitšwe. Nno bala go theoga gomme re tla bona ke yena mang.

*Gomme godimo ga hlogo ya gagwe go be go ngwadilwe  
leina, SEPHIRI, BABILONIA YO MOGOLO, MMAGO  
BOMMALEGOGWANA, MAKGAPA A LEFASE.*

<sup>199</sup> Go lokile, Protestant, fa ke moo le pitlwago. Le tla amogela ke yena mmalegogwana, eupša o be a le “MME” (wa eng, wa barwa?) “WA BOMMALEGOGWANA.” Bao e tla ba *basadi*, a yeo ke nnete? Tše o tla ba *dikereke* nako yeo, a yeo ke nnete? Ke mme kereke gona, a ga se yena? Martin Luther o tšwa kae? Bokatoliki. Di phaphašitšwe kae tšohle tše? Bokatoliki, di tliša thuto ya tšona ya go swana, gomme le a e khunamela.

<sup>200</sup> Bjale, mosadi wa fasefase kudu ka Jeffersonville o kgona go tliša pele wa go loka, wa therešo, mosetsana wa kgarebe, yeo ke nnete, gomme a ka ya thwi ge a nyaka go. Gomme kereke ya Lutheran e dirile bjalo, Methodist, Baptist, le Presbyterian, le go ya pele; ba ile thwi lebakana, ge ba bona—ge ba bona bathomi ba be ba le kua ba rera Ebangedi go bona. Eupša bjale ba ya diponšhong, ditansing, thelebišene, go kgoga, go dira se sengwe le se sengwe gape, (le a tseba ke therešo!), go dula gae ka Lamorena. Ke eng? Gobane mmalegogwana wa gago o dira boka mmagwe. Yeo ke tlwa. Yeo ke tlwa.

<sup>201</sup> Bjale a re boneng moo mmala o letšego. Beibele e rile o be a le “MMAGO BOMMALEGOGWANA.” Gomme yo mongwe

le yo mongwe o a tseba gore yeo e be e le Roma ya bohetene, goba Mdi. Roma ya mopapa, kereke ya Katoliki. Mo motsotsong, ke tla le bontšha, ka maemo go mmea ka lefaseng, feela tlwa moo a tla bego a dutše. Nneta. Moo a lego le yo a lego, Beibebe e boletše bjalo. E sego nna; Beibebe! Gomme e boletše gore o tliištše pele bontši bja dikereke barwedi ka morago ga gagwe. Go lokile, bjale, Methodist, le Baptist, le Lutheran, le go ya pele, le bona moo le tlago, “MMAGO BOMMALEGOGWANA.” Ba phetše gabotse, eupša ge Seetša se thoma go phadima . . .

<sup>202</sup> Go bjalo ka sehlopha sa mafele nakong ya selemo. Thumaša seetša, mo tseleng moo mafele a jago lerathana la kgale goba se sengwe boka seo, le go lahlela seetša godimo le go a bogela a utama ka maatla ka fao a kgonago.

<sup>203</sup> O rera Ebangedi, goba kolobetšo ya Moya wo Mokgethwa, go boati bja tše tša kgale tša fomale, dikereke tša go hloka modimo; gomme ba šetša, “Ga re dumele ka go selo se sebjalo. Ga ke dumele ka go aowa . . .” Gobaneng? O tseba se o lego, mo mathomong. Yeo ke nnete. Yeo ke nnete tlwa.

<sup>204</sup> Ga ke bolele selo kgahlanong le kereke ya gago; ngwanešu, o na le batho ka fale bao ba lego mabje a bohlokwa. Ga ke bolele selo kgahlanong le batho ba Katoliki. Ke rata batho ba Katoliki go swana le ge ke rata batho ba Tabarenakele ya Branham. Ga se wena, mogwera, ke lekago go mo goeletša. Ga se wena, Momethodist le Mobaptist, le Branham Tabernacle. Ga se wena yoo ke mo goeletšago. Ke sebe seo o dumelago diabolo go se bea godimo! Feel a gobane o ya kerekeng, o nagana o phološitšwe.

Jesu o rile, “Ntle le ge motho a tswalwa ka meetse le Moya, a ka se ke ka mokgwa ofe a tsena Mmušong.” Gomme ge o amogela kolobetšo ya Moya wo Mokgethwa, “Maswao a a tla latela bona bao ba dumelago.” Seo se otlogile go tloga legetleng, ngwanešu. Goba, ga se tšwe legetleng, se otlogile go tšwa Beibeleng. Jesu ga se a ke a re, “Mohlolomongwe maswao a a tla latela ba bangwe.” O rile, “A tla ba latela.”

Oo, ba re, “Bjale, ke a dumela seo e be e le sa baapostola. Ke a dumela gore go na le feela tikologo e tee ya baapostola, gomme yeo e be e le morago kua ka mathomong.”

<sup>205</sup> Gomme yona thuto re bilego le yona bošegong bja go feta, “O bile le dinaledi tše šupago ka seatleng sa Gagwe,” gomme naledi ye nngwe le ye nngwe e be e swanetše go fiwa go lebaka le lengwe le le lengwe la kereke bakeng sa Seetša, nneta; go no swana le ge go na le moapostola *fare*, go na le moapostola *fare*, le moapostola *fare*, le moapostola *fare*; “e bego e le Meboya ye šupago,” mo mathomong a thuto ya rena, “e ema pele ga Modimo, go romelwa ntle go Mabaka a Šupago a Kereke.”

<sup>206</sup> Oo, ngwanešu, o ka no sepela go dikologa ka thuto ye nngwe ye nnyane ya Baptist goba thuto ya Methodist, gomme wa feta ka yona; eupša o a e lebelela, pele ga Beibebe, gatee. Yeo ke nnete.

Amene. Ke ikwela mohuta wa bodumedi gonabjale. Amene. Ee, mohlomphegi. Lebelela. Ngwanešu, ke wena yoo. E a šilaganya; eupša go hwiphinywa go itšego, ga go go dire go loka . . .

<sup>207</sup> Mama, a dutše morago fale, o be a fela a ntira go tšea kastroli. Re be re le digotlane tše nnyane tša kgale. Re tla swanela go ja borotho bja mabele le dinawa, letšatši le lengwe le le lengwe ka bekeng, le Lamorena, gape. Tsela e ka ba efe, ke be ke tla swanela go tšea bontši bja dihlare. Mokibelo bošego, ka mehla o be a tla ntira go tšea kastroli. Gomme ka Mokibelo bošego ke be ke swara nko ya ka, ka mokgwa *wo*, ga ke bolele se bakeng sa motlae. Ke be ke swara nko ya ka, gomme ke be ke re, “Mama, ke no se kgone go e tšea. E ntira ke sellege kudu.”

O rile, “Ge e sa go dire o sellege, ga e go dire gabotse.”

<sup>208</sup> Go bjalo ka *Ye*. Go go hudua! E tla ditho tša gago—tša gago tša go šiladijo di šome gabotse, gore ka kgontho o kgone go šila Ebangedi ya go tlala.

<sup>209</sup> Lutheran e tlie mmogo ka tokafatšo. Gobaneng, ba be ba no . . . Ba e kgatlofaditše yohle tlase, “Ee, mohlomphegi, re kereke!”

<sup>210</sup> John Wesley o bone tlhwekišo. O rile, “Ke a bona go a fapana.” Gomme o rile, “Seo se lokile, Luther, eupša ye ke yona.” O be a le eng? Luther o be a le naledi ya lebaka la gagwe, eupša Wesley šo. Go lokile.

<sup>211</sup> Bjale, gona, Malutheran ohle a ile morago go šelefo, gobane ba lebetše . . . ga se ba . . . Bjale, e sego bohle . . . ke ra kereke ya Lutheran. Lutheran e sa ne banna ba go loka, ba tladitšwe ka Moya wo Mokgethwa. Yeo ke nnete. Eupša bjale bohle ba ile morago go kereke, ka go lebaka leo. Go lokile.

Mo go tla Wesley mmogo. O ba tšere go kgabola lebaka la gagwe.

<sup>212</sup> Ka gona, selo sa pele le a tseba, go latela go tla . . . Morago ga lebaka la Wesleyan, godimo go tlie Pentecostal. Gomme ba amogetše Moya wo Mokgethwa, go bolela ka maleme.

<sup>213</sup> Nna, Mamethodist, le Manazarene, le Holiness, ba re, “Oo, ke diabolo.” Gomme le bona se le se dirilego? Le rogakile Moya wo Mokgethwa. Gomme le bonang moo le lego lehono? Yeo ke nnete. Wena, tlwa se o se dirilego. Nnete, o dirile. Gomme o šitilwe go sepela ka Seetšeng.

<sup>214</sup> Gomme bjale lena Mapentecostal le na le bolelo kudu, Lebaka le la Kereke ya Laodikia, go fihla Modimo a le tshwa go tšwa molomong wa Gagwe. Nnete. Yeo ke nnete tlwa.

<sup>215</sup> O re, “A o dumela go go bolela ka maleme?” Ee, mohlomphegi. “A o kile wa bolela ka maleme?” Ee, mohlomphegi. Ke tumiša Modimo bakeng sa yona. Ee, mohlomphegi. Ke boletše ka maleme, makga a mmalwa. Gomme ke a dumela ke Maatla a Modimo. Ee. Ga ke dumele go bohlatse

bja mathomo, bjale, ke go bolela ka maleme. Eupša ke a dumela go na le Maatla a Modimo a go dirago go bolela ka maleme, maswao le dimaka go latela. Ee, mohlomphegi.

<sup>216</sup> Gomme ka gona diabolo o beile setšhošetši sa kgale godimo kua, yo mongwe yo a bego a kwera le go dira mo o ka rego ba be ba na le Moya wo Mokgethwa. Gomme lena bohle Pilgrim Holiness, le Holiness, le Manazarene, le bohle ba lena, le lebeletše morago le go re, “Ooo, ga ke nyake selo sa Leo. Ooo!”

<sup>217</sup> Oo, kgaogelo! Ge nkabe le bile le Moya wo Mokgethwa, goba karolo ya Modimo tlase ka pelong ya lena, le hlwekišitšwe go swana le ka fao le bego le swanetše go ba, nkabe le lemogile seo go ba Maatla a Modimo. A Jesu ga se a ke a re, “Ge nkabe le tsebile Moshe, nkabe le Ntsebile le nna”? Nnete. Ge tlhwekišo e le karolo ya Moya wo Mokgethwa wo o go hlwekišitšego le go go hlwekiša; ge o na le Woo, o tla lemoga ka moka ga Wona ge O etla.

<sup>218</sup> Seatla se se lemoga seatla se. Hlogo ye e lemoga leoto le. Ke karolo ya mmele.

<sup>219</sup> Gomme Beibele e rile go ne dimpho tše senyane tša semoya; baprofeta, barutiši, baebangedi, le mopr- . . . le go ya pele; le—le tlhathollo ya maleme, go bolela ka maleme, phodišo Kgethwa. E tla lemoga nthathana ye nngwe le ye nngwe ya Wona.

<sup>220</sup> Oo, o gatsetše, “Ga ke nyake selo go dira le Leo.” Fše! Go a ruthela tikologong mo, a ga se yona? Yeo ke therešo. Gobaneng? Gobaneng? O kgatlofaditšwe. Kereke ya gago e boletše bjalo, gomme leo ke lebaka o ka se kgone go e dira.

<sup>221</sup> Eupša bontši bja lena Mamethodist le tlide ntle le go hwetša Moya wo Mokgethwa. Bontši bja lena Mabaptist le tlide ntle le go hwetša Moya wo Mokgethwa. Ee, mohlomphegi. Lena, le bontši bja lena Holiness le tlide ntle le go hwetša Moya wo Mokgethwa. Ee. Gobaneng? Ga se le kgathale se kereke e se boletše. Le sepetše ka Seetšeng. Amene. Ga se le kgathale se se diregilego. Le tsebile e be e le ya Morena, gomme le nno sepela ka go Sona.

<sup>222</sup> A nke wa kgale—a nke mohumagadi wa kgale a dule morago fale, mama wa bona wa kgale. O dira bjalo ka mmagwe morago kua, seotswa. O kgatlofaditše. Yeo ke yona kokwane ya mathomo ya bothata, ge kereke ya Katoliki e kgatlofaditše. Morago kereke ya Lutheran ya kgatlofatša ka morago ga gagwe. Morago kereke ya Methodist ya kgatlofatša ka morago ga gagwe. Morago kereke ya Baptist e kgatlofaditše. Gomme bjale go na le makgolotshela le masomesenyane tshela a mekgatlo ya go fapania. Gomme Pentecost e dirile selo sa go swana!

<sup>223</sup> Letago! Bothata ke eng? Modimo o netefatša gore ga A ka mokgatlong. O ka Moyeng, Moya wo Mokgethwa. Haleluya! Haleluya! Ee, mohlomphegi.

<sup>224</sup> Ga A kgathale se mokgatlo wa gago o lego. Ke ditšiebadimo. O kgomagane le Bokatoliki gomme o boetše morago ka go yona,

gomme o dutše ka go yona, gomme le amogela leswao lela la go swana leo a lego. A morongwa ga se a re, “Tšwelang ka ntle ga gagwe, batho ba Ka, gomme le se be batšeakarolo ba dibe tša gagwe, gomme Ke tla le amogela”? “Le se kgwathe dilo tša gagwe tša ditšhila, gomme Ke tla le amogela,” Moya wo Mokgethwa o a bolela.

<sup>225</sup> “Le mang le mang a tšeago leswao la sebata, goba leletere la leina la gagwe.” Ke duma ge nkabe re na le nako go ya ka go seo; nako ya ka e fedile. Lengwalo la leina la gagwe ke eng? Boprotestant. “A re direng seswantšho sa go swana le yona. A re direng mokgatlo. Kereke ya ren a no ba ye kgolo bjalo ka kereke ya Katoliki.” Ba tšere dilo tše tšohle. “Ba bile le dikereke tše kgolo, gomme re a dira, le ren a. Re na le feela bontši bja legoro la toropokgolo, ka kerekeng ya ren a, bjalo ka ge ba na le ka go ya bona. A re direleng sebata seswantšho.” Gomme Beibele e rile, ke “SEOTSWA,” gomme seo ke “MMALEGOGWANA,” ka mokgatlo.

<sup>226</sup> Eupša Kereke ya Modimo yo a phelago e lokologile. “Yo Morwa a mo lokolotšego o lokologile ka nnete.” Tšwelang ka ntle ga yona! Tlatšwang ka Moya wa Modimo.

Ditšhaba di a thubega, Israele e a tsoga,  
Maswao ao Beibele e a boleletsegopele;  
Matšatši a Bantle a badilwe, ka tšitišo ya  
letšhogo;  
“Boang, O bašwalalanywa, gabu lena beng.”  
Letšatši la topollo le kgaušwi,  
Dipelo tša batho di palelwa ka letšhogo;  
Tlatšwang ka Moya wa Modimo, mabone a lena  
a lokišitswe le go taga,  
Lebelelang godimo! Topollo ya lena e kgaušwi.  
(Amene.)

<sup>227</sup> Ka fao dilo di yago! O rile, mo matšatšing a mafelelo, “Se boife, mohlape wo monnyane. Ke thato botse ya Tate go le fa Mmušo,” le dutše mmogo ka mafelong a Magodimong.

<sup>228</sup> Gomme lena Methodist, Baptist, Presbyterian, bao le segilego Pentecost . . .

<sup>229</sup> Gomme, ke re, Pentecost e nyaka mophasolo wo mobotse wa Ebangedi ya fešene ya kgale, ka gore ba a kgatlofatša. Yona Assemblies of God e ile ka go ye—ye kgolokgolo ya Pentecost, e tšoenne liki ya dikereke, feela fomale le go fapano. Gomme gamcempe nkilego ka bona Moya wo Mokgethwa o swarwa, go nyakile, e bile ka bareri ba Pentecostal. Kafao le se nagane, gobane le ba kereke ya Pentecostal, le phološitswe.

<sup>230</sup> O nno phološwa feela ge ka therešo o kolobeditšwe ka Moya wa Modimo, ka Moya wo Mokgethwa, o kopane le Yena ka Maatla a tsogo ya Gagwe, o eya pele ka maswao le matete, go latela Moya wola e ka ba kae O yago. Maswao a latetše baprofeta.

Maswao a latetše Jesu Kriste. Maswao a latetše baapostola. O rile, "Maswao a a tla ba latela," go fihla A bowa gape.

"A Yela e boletše seo, Ngwanešu Branham?"

<sup>231</sup> "Eyang lena ka go lefase lohle, gomme le rere Maatla a le ditšhupetšo go setšhaba se sengwe le se sengwe." Gomme e hlaelelwa pedi tharong ya yona, efela, ga se nke ya A kwa. "Gomme maswao a a tla ba latela." "Bona!" "Setšhaba se sengwe le se sengwe!"

<sup>232</sup> Letago! Fše! Oo, nna! Mohlomongwe le tla nagana ke a tsenwa. Ngwanešu, ke a go botša, ke rata bodumedi bjo bobotse bjo bja nako ya kgale. Ee, mohlomphegi, bo go kgwaparetša ka go Kriste!

<sup>233</sup> Bjale le bona se leswao la sebata le lego sona? Ke leswao la bokgelogi. Ke motho yo a... a no naganago, gore, "Gabotse, ke wa kereke, gomme ke no ba gabotse bjalo ka moisa wa go latela. A ga se nna wa kereke ye?" Gomme o a lemoga, moo mokgatlo wa kereke ya gago wo o ithekglego ka wona, moo o tšwago gona? A o a lemoga?

<sup>234</sup> Beibele e rile, "Yo a rapelago sebata, o amogela leswao la gagwe, goba leletere la leina la gagwe," bjale šetšang, "phatleng goba seatla," yeo ke *tsebo goba tiro*. Seo ga se re gore o na le sethalwa se segolo sefahlegong sa gago. Ga ya swanelia go ba seo. Ga e bolele ka bokantle. E bolela ka semoya.

<sup>235</sup> Gomme mo šetšeng le go bona se a se tsebago ka ga Lengwalo. Mo theetšeng le go bona moo a yago. "Ge motho e ka ba mang a se ne Thuto ye, ga go ne Seetša ka go yena," Beibele e boletše. Le a bona? Le a bona? Šetšang moo a yago. Šetšang se a se dirago.

<sup>236</sup> O re, "Gabotse, ke—ke wa. Ke nna Moprotestant. Ee, mohlomphegi. Ke—ke nna wa kereke e itšego *ye*. Ee, mohlomphegi." Gomme ka Lamorena le no ba le tlhompho ye e lekanego go yona go tla ka gare go tšwa puleng. O ya tlase, sebakeng sa go ya kopanong ya thapelo, o tla tswalela kereke, le go dula le go bogela thelebišene. O ya ntle mo gomme o a nwa le go tšwelapele, le go dira boka lefase ka moka, efela ke wa kereke. Elelwang, leo ke leswao la sebe.

<sup>237</sup> Bjale a re baleng go ya pele kgojana gannyane, ka pela, gomme morago ke tla tswalela. Re fetile nako. A re baleng bjale temana ya 6.

*Gomme ke bone mosadi bjale (kereke) a tagilwe ka madi a bakgethwa,...*

<sup>238</sup> "A tagilwe ka madi a bakgethwa." Le a tseba, Beibele e rile, ge a sentšwe, gore yo mongwe le yo mongwe yo a hwago yo a hwilego, lefaseng, molato o hweditšwe ka go kereke ya Katoliki. Tlwa, mo mathomong.

*...le ka madi a bahwelatumelo ba Jesu: gomme...  
(Johane o a bolela bjale)...gomme ge ke mmone, ke  
maketše ka kganyogo ye kgolo.*

<sup>239</sup> Johane o rile! Bjale a re lebeleleng fa. Johane o rile, “Ke mo lebeletše; o be a le botse kudu, kereke ye kgolo ya go ratega. O bile le seholpha ka moka sa dikereke se tswetšwe go tšwa go yena, ‘mmago bommalegogwana.’ Gomme ke lebeletše morago mošola, gomme mosadi yola a ka kgona bjang... O be a fana ka thuto yela ya maaka, a dira dikgoši tšohle le banna ba bagolo go dirwa go tagwa ka yona. Gomme mo barwedi ba gagwe ba dira selo sa go swana. Eupša, ke mo lebeletše; o be a le botse kudu!”

<sup>240</sup> Lefelo le tee ka Lengwalong le rile, “Ke dula bjalo ka kgošigadi gomme ga ke hloke selo.” Le a bona?

<sup>241</sup> Gomme ka gona yena, Johane, o rile, “Ke mo kganyogile. Ke mo lebeletše, gomme ka lebelela ka kganyogo ye kgolo. Ke mo kganyogile.”

*Gomme morongwa a re go nna, O makatšwa ke eng?  
Ke tla go botša... Ke tla go botša sephiri sa mosadi,  
le... sebata se se mo rwelego, se se nago... dihlogo tše  
šupago le dinaka tše lesome.*

<sup>242</sup> Bjale a re boneng ge eba re be re nepile. Ge eba re ne Bokatoliki gabotse, gona le a tseba Boprotestant bo a e latela. Kafao le na le... Lena, le na le bohlale go lekanelo go tseba seo, le a bona. Šetšang.

*Sebata se o se bonego se be se le gona,...ga se gona;  
gomme se...*

<sup>243</sup> “Sebata.” Bjale šetšang. Bjale le tla lemoga godimo fa, e boletše ke dikgoši tše kae di bilego; go be go wele bjang, yo mongwe o swanetše go tla.

*...gomme se tla rotoga go tšwa sekoting sa go hloka  
bofase,...*

<sup>244</sup> E sego godimo ga Beibe! Go tšwa go seholpha sa ditumelokhwele se dirilwe. Ga go bokamorago bja yona. O hwetša “phekatori” kae? O hwetša kae ye “go se je nama,” le “moprista ga a nyale,” le dilo tšohle tše dingwe tše ba di dirago, “maipolelo”? O hwetša kae seo? Ga go lefelo e ka ba kae go e hwetša. Se tšwa heleng. Beibe e boletše bjalo. Se tšwile, sebata, maatla, thuto ye se bego se na le yona, “E tšwa sekoting sa go hloka bofase.”

*...gomme se ya tahlegong:...*

<sup>245</sup> E kae “tahlego”? Hele. Se ya thwi morago go lefelo moo se tšwago gona.

*...gomme ba ba dulago godimo ga lefase ba tla  
makala, bao maina a bona a sego a ngwalwa ka  
pukung... go tloga motheong wa lefase, ge ba bone*

*sebata se se bego se le gona, . . . ga se gona, gomme efela  
se gona.*

<sup>246</sup> Bjale, dikereke tša Protestant di re, “Gabotse, seo se ka ba bjang, ge ba re, ‘Ke dumela Jesu Kriste. Ke Mophološi wa ka wa sebele?’” Diabolo o a dumela, le yena, ngwanešu.

<sup>247</sup> E swanetše go ba tswaloleswa, Tswalo ye mpsha, go tswalwa gape. Gomme ge o tswetšwe gape, leina la gago le beilwe ka Pukung ya Kwana ya Bophelo.

<sup>248</sup> O re, “Ka mehla ke a makala. Gabotse, eng, a ga ke no loka bjalo ka yo mongwe gape? A ga se nna ke lokilego bjalo ka sehlopha sa lena bapshikologibakgethwa? Ke hlalefile. Ke na le bona ka go . . . Ke na leigrata. Ke tšwa kholetšheng. Ke tšwa lapeng le lebotse. Batho ba ka ba be ba le maloko a kereke, pele ga ka. A ga ke no loka bjalo ka lena?”

<sup>249</sup> E rile, “Lefase ka moka,” Protestant le tšohle, “le maketše,” bohole ntle le bale ba maina a bona a ngwadilwego ka Pukung.

<sup>250</sup> Gobaneng maina a ngwadilwe? Bona ke Peu ya Abraham, “gomme ke bajabohwa go ya ka tshepišo, bakgethiwa pele ga motheo wa lefase.” Ke ka lebaka leo ga ba makale. Hlokomelang fa, bjale šetšang se a se boletšego. Šetšang tše ka go Puku ya Kwana ya Bophelo.

*Gomme mo go monagano wo o nago bohlale.*

<sup>251</sup> Bjale ke nyaka go le botšiša sengwe. A bohlale ke ye nngwe ya dimpho tša Moya wo Mokgethwa? [Phuthego e re, “Amene.”—Mor.] A yeo ke nnete? Ke ba bakae ba dumelago gore Beibele, Bakorinthe ba Pele 12, e ruta gore dimpho le tšohle ka kerekeng, ke bohlale, a re boneng, ye nngwe ya dimpho? Gabotse, o ka bolela bjang ga go na go bolela ka maleme gona? O bolela bjang gore ga go tlathollo ya leleme? O ka kgona bjang gore, ga go phodišo ye Kgethwa? Bakeng sa mmele wa go swana . . . Ge ke le mmele, ke ne seatla ka lehlakoreng *le*, le seatla ka lehlakoreng *le*, le leoto *fale*, o ka kgona bjang go bolela gore seatla ke, ga se leoto? A ga se la kwa se Paulo a se boletšego?

<sup>252</sup> Bjale šetšang, o bolela ka matšatšing a mafelelo, thwi go Mmele, o rile, “Mo go yo motee yo a nago le bohlale.” Oo, ke rata se. Oo, nna! Sese se se tla le tšošago. Theetšang se. Go lokile. “Monagano šo woo o nago le bohlale.” Ge dimpho tšela tša Moya wo Mokgethwa di se tša tla tlase go lebaka lohle, gobaneng a boletše se go matšatši a mafelelo gona? Ge go sa ye go ba dimpho ka kerekeng, ka matšatšing a mafelelo, gobaneng a šupetša se go matšatši a mafelelo gona? “Fa ke go yena yoo a nago le bohlale.”

*. . . Dihlogo tše šupago ke dithaba tše šupago, tše  
mosadi a dutšego godimo ga tšona.*

<sup>253</sup> Ke dithaba tše kae? Ke ditoropokgolo tše kae ka lefaseng, go le bjalo, tše kereke e dutšego godimo ga dithaba tše šupago? E tee feela. Yeo e kae? Toropokgolo Vatican ka Roma. A ke nnete?

[Phuthego e re, "Amene."—Mor.] Beibele e boletše gore seotswa se sa go šiiša seo se dirilego lefase lohle go dira mabohlotlolo, le go tliša ntle sehlopha sa barwedi ba bannyane go ruta ka selo sa go swana a se dirilego; ba be ba se ba babe bjalo ka yena, eupša ba be ba le bommalegogwana. Ba ba rutilwe selo sa go swana. A re, "Mathomo a yona e tla ba mosadi," goba kereke, "o dutše godimo ga dithaba tše šupago," ka Roma. Ke lebeletše gohlegohle lefaseng; mpotšeng moo e lego, "kereke e dutšego godimo ga dithaba tše šupago." Bjale ke bala se go tšwa Beibeleng.

*Gomme go ne dikgoši tše šupago: tše tlhano di wele, . . .*

<sup>254</sup> Ge re ka tšea histori, le go ya thwi morago le go e bontšha, moo dikgoši di welego, ka Roma, ge e sa le go tloga mmušong wa Babilonia.

*. . . o tee ke (Nero), gomme o tee o tla tla; gomme . . . o swanetše go tšwelapele sekala se sekopana (e ka ba dikgwedi tše tshela) ge a etla.*

<sup>255</sup> "Gomme sebata . . ." Ooo! Lebelelang se. Bjale maatla a ya go tšea lefelo la bohetene.

*Gomme sebata se se bego se le gona, gomme ga se gona, le bile . . . ke sa seswai, (bjale hlokamelang) gomme ke sa sa bošupa, . . .*

<sup>256</sup> Bohle le a tseba a kgoši ya go šiiša a bego a le. O a- . . . O tlemeletše mmagwe mohlareng o tee wa pere gomme a mo hlahlaiša go kgabola mekgotha, gomme a tšuma toropokgolo, gomme a leba godimo thabeng. Woo ke mohuta wa go swana wa moyo woo o bušago kereke yeo e dutšego lefelong la bohetene. "Sa seswai, se e lego sa bošupa. Gomme ka gona o gona, gomme ga a gona; gomme o gona, gomme ga a gona; gomme o gona, gomme ga a gona," go ya pele go theoga.

*. . . gomme se ya tahlegong.*

<sup>257</sup> Go rarela go fihla nako ya go Tla ga Morena, gomme o lahlelwka heleng.

*Gomme dinaka tše lesome tše o di bonego ke magoši a lesome, ao a sego a amogela mebušo gabjale; eupša a amogela maatla bjalo ka magoši iri e tee le sebata.*

<sup>258</sup> Oo, ge nkabe re nno ba . . . "Ga se ba amogetše maatla gabjale." Ga se bona dikgoši. Ba be ba se na . . . Ba ka se kgone. Dinaka ga se di be le mefaphahlogo. "Ba amogetše maatla bjalo ka magoši." Ke eng? Babušanoši; ba sego ba rwešwa korone bjalo ka magoši. Babušanoši! Oo, nna!

<sup>259</sup> Bjale, oo, ge ke bala ye, nako ye nngwe pelo ya ka e taboga ka lethabo, go lokile, ge ke nagana ka fao re phelago fa mo letšatšing la mafelolo.

*Gomme dinaka tše lesome tše o di bonego ke magoši a lesome, a sego a be a amogela mmušo le bjale; eupša a amogela maatla bjalo ka magoši iri e tee le sebata.*

*Ba ba na le monagano o tee, gomme ba tla fa maatla a bona le maatla go sebata.*

*Ba ba tla dira ntwa le Kwana, gomme Kwana e tla ba fenyā: . . .*

- 260 Fao go tla Ntwa ya Haramagedone; e loketše Mileniamo.

*. . . gobane yena ke Morena wa morena, le kgo Kgoši ya kgosi: . . . (le se ke la šikinywa) . . . gomme bao ba nago le yena ba bitšwa, ba bakgethiwa, . . .*

- 261 E sego wena; O dirile. O na le Moya wo Mokgethwa, o swanetše go goelela phenyo. Modimo o le kgethile pele ga motheo wa lefase. Ge le sa kgone go bona Seetša sa Ebangedi, ke ka gobane le—le nno foufala.

*. . . bakgethiwa, le babotegi.*

*Gomme o rile go nna, Meetse a o a bonego, moo seotswa se dutšego, ke batho, . . . mašabašaba, le ditšhaba, le maleme.*

- 262 Ka mantšu a mangwe, mosadi yo a dutšego fa, kereke, o ya go fa thuto ya gagwe go batho ba bangwe le ba bangwe, mašaba, le leleme. Sole yena. O be a na le pušo godimo ga bona. O dutše godimo ga bona, maatla a ba laola. O dutše godimo ga dithaba tše šupago, o apere moretele, o apešitše mohumihumi lefaseng. Sole fale.

*Gomme dinaka tše lesome tše o di bonego godimo ga sebata, tše di tla . . .*

- 263 Šetšang bjale, le tla ka go maatla a bokomonisi.

*. . . tše di tla hloya seotswa, gomme di tla se dira tšiwalalano le go ponoka, di tla ja nama ya gagwe, le go mo tšhuma ka mollo.*

*Ka gore Modimo o beile ka dipelong tša bona go phethagatša thato ya gagwe, le go kwana, le go neela mmušo wa bona go sebata, go fihla mantšu a Modimo . . . a phethagatšwa.*

- 264 Haleluya! “Magodimo le lefase di tla feta, eupša Lentšu la Modimo le ka se tsoge la feta.” Lebelelang!

*. . . mosadi yo o mmonego . . .*

*. . . mosadi yo o mmonego ke toropokgolo ye kgolo yela, ye e renago godimo ga dikgoši tša lefase.*

- 265 Mpontšhe toropokgolo e tee ka lefaseng yeo e renago godimo ga dikgoši tša lefase, go tšwa go tsela e ka ba efe yeo o nyakago, ka ntle ga tlhatlamano ya Katoliki ka Roma, e dutše godimo ga dithaba tše šupa. Ga go toropokgolo ye nngwe, gomme ga se nke

ya ke ya ba, gomme e ka se tsoge ya ba; ka ntle ga Toropokgolo ye Mpsha yeo e tšwago Legodimong. Yeo ke nnete.

<sup>266</sup> Bjale, feela motsotso. Ke nyaka go le laetša se gape, gore Morena a be le monagano le go re šegofatša mmogo ge re bala se. Go lokile. Šetšang fa bjale, ke bala tema ya 13. Ke thoma go temana ya 15.

*Gomme o bile le maatla go fa bophelo go seswantšho...*

<sup>267</sup> Seo se ka United States, seo re se bonego se etla godimo, le a bona, seswantšho.

*...gore seswantšho sa sebata bobedi se bolele, le go dira ba bantši bao ba ka se rapelego seswantšho sa sebata ba swanetše go bolawa. (Yeo ke kiletšo.)*

*Gomme o dirile bohole, bobedi ba bannyane le ba bagolo, bahumi le badiidi, makgoba le balokologi, go amogela leswao seatleng sa bona se setona, goba ya bona phatla...-hlogo.*

*Le gore ga go motho a ka rekago goba go rekiša, ge e se yo a bilego le leswao, goba leina la sebata, goba palo ya leina la gagwe.*

<sup>268</sup> Bjale šetšang, bjale, kgaušwi bjale, kgaušwi ka kgonthe, pele re tswalela. Temana ya 18. Theetšang.

*Bohlale šebo.*

<sup>269</sup> Le bona Moya wo Mokgethwa o biletša morago go badumedi ka letšatšing la mafelelo? Sehlopha se sennyane sela kua, se bolela, o bitsa sehlopha se sennyane ka letšatšing le, “Fa ke ga yoo a nago le bohlale ka kerekeng. A nke a kwešiše se.”

*...A nke yena yo a nago le kwešišo a bale dipalo tša sebata: gobane ke palo ya motho, (e sego setšhaba) motho; gomme palo ya gagwe ke Makgolotshela masometshela tshela.*

<sup>270</sup> Gomme thwi godimo ka godimo ga Vatican City... Le se ke la mpotša bjale; ke na le *Dinthla Tša Tumelo Ya Rena*, le tšohle, le a bona. Godimo ka godimo ga Vatican City, gomme mopapa o ema bjalo ka “motlatši wa Morwa wa Modimo.” Ke na le bagwera ba Katoliki ba dutše thwi mo, bao ba bego ba le Katoliki, ba dutše mo le go tseba gore ke therešo. Batho bagešo, mohlomongwe, pele ga ka, ba be ba le Katoliki, le bona. Le a bona?

<sup>271</sup> Ba biditše Mokgethwa Patrick Mokatoliki, gomme ga se nke a ba Mokatoliki. Ba rile Joan wa Arc o be a le mokgethwa; gomme baprista ba mo tšhumile bjalo ka moloi. Ga go makatše Jesu o rile, “Lena le botsefatša mabitla a ba baprofeta, gomme le ba beile ka fale, lena maboto a mašweu.” Yeo ke nnete.

<sup>272</sup> Šetšang, ke nomoro ya motho. Gomme godimo ka godimo ga mopapa wa Roma, go ngwadilwe, “VICARIVS FILII DEI.” Go ngwadilwe ka mangwalo a Roma. E no e ngwala ntle wenamong, gosasa. V, I, C, I, R, oo, e no e boloka, ka mangwalo a Roma, gomme o goge mothalo wa gago gomme o e hlakanye, gomme o bone se o nago naso: makgolotshela le masometshela tshela. O dutše kae? “Godimo ga dithaba tše šupa.”

<sup>273</sup> Gomme go tšwa fao go tlie mokgatlo wa bodumedi, wo o rutilego thutotaelo sebakeng sa Beibele. Gomme Maprotestant ba phatloga go tšwa go yona, gomme ba dira feela selo sa go swana ba lego, gobane Le rile o be a le “SEOTSWA,” gomme ba be ba le “BOMMALEGOGWANA.” Go tliša ntle ka kolobetšo ya maaka, ka bodumedi bja maaka, ka kgopolo ya maaka ya Moya wo Mokgethwa, ka kelello ya maaka ya hele, le dilo tšohle tše boka tše, gomme Maprotestant ba latela thwi tlase ka dikgatong tša leoto.

Eupša go tla ba Seetša nakong ya mantšiboa,  
Tsela ya Letago ka kgonthe le tla e hwetša; (Yeo  
ke nnete.)

. . . tsela, ke Seetša lehono,  
Le bolokilwe Leineng le bohlokwa la Jesu.  
Baswa le batšofadi, sokologang go tšohle dibe  
tše lena,  
Moya wo Mokgethwa ka nnete o tla tsena ka  
gare;  
Dietša tše mantšiboa di tlie,  
Ke ntliha gore Modimo le Kriste ke Batee.  
(Amene!)

<sup>274</sup> Ngwanešu, ke a go botša, ke Dietša tše mantšiboa di a phadima. Thuto ya go swana ya boapostola, kolobetšo ya go swana ya boapostola, go tlatsa ga go swana ga boapostola ga Moya wo Mokgethwa, maswao a go swana a boapostola le matete, a lebeletše go kgabola go Bantle; go swana le ge ba dirile Bajuda, morago kua mosong wa pelepele, še yona ka go dikeleng ga letšatši.

Go na le batho e ka ba kae le kae,  
Dipelo tše bona tšohle di a lauma  
Ka Mollo wo o welego ka Pentecost,  
Wa go ba hlwekiša le go ba dira ba hlweke;  
Oo, O a tuka bjale ka pelong ya ka,  
Oo, letago go Leina la Gagwe!  
Ke thabile bjang gore ke kgona go re ke nna yo  
mongwe wa bona.

Yo mongwe wa bona, ke nna yo mongwe wa  
bona,  
ke thabile bjang gore ke kgona go re ke nna yo  
mongwe wa bona;

Yo mongwe wa bona, yo mongwe wa bona,  
ke thabile bjang gore ke kgona go re ke nna yo  
mongwe wa bona.

Ba be ba kopane ka kamoreng ya godimodimo,  
Bohle ba rapela ka Leina la Gagwe,  
Ba be ba kolobeditšwe ka Moya wo  
Mokgethwa,  
Gomme maatla bakeng sa tirelo a tlie;  
Bjale seo A se diretšego bona tšatši lela  
O tla go direla go swana,  
ke thabile bjang gore ke kgona go re ke nna yo  
mongwe wa bona. (A ga la?)

Etla, ngwanešu wa ka, nyaka tšhegofatšo ye  
Yeo e tla go hlwekiša pelo ya gago go sebe,  
E tla thoma dipele tša lethabo go lla  
Gomme e tla boloka soulo ya gago e lauma;  
Oo, o a tuka bjale ka pelong ya ka,  
Oo, letago go Leina la Gagwe,  
ke thabile bjang gore ke kgona go re ke nna yo  
mongwe wa bona.

<sup>275</sup> Oo, bakeng sa Ebangedi ye ya letago!

E rotha ka mading, ee, e rotha ka mading,

<sup>276</sup> Bala tefo! “Ge a ka Ntatela, a a ikgane yenamong, a tšee  
sefapano sa gagwe,” lehu, “gomme a Ntatele.”

Ebangedi ye ya Moya wo Mokgethwa e rotha  
madi,  
Madi a barutiwa ba ba hwetšego Therešo,  
Ebangedi ye ya Moya wo Mokgethwa e rotha  
madi.

Wa mathomo go hwela polane ye ya Moya wo  
Mokgethwa,  
E be e le Johane Mokolobetši, eupša o hwile  
boka motho;  
Morago go tlile Morena Jesu, ba Mmapotše,  
O rerile gore Moya o tla phološa batho go tšwa  
sebeng.

Go bile Petro le Paulo, le Johane mokgethwa,  
Ba gafile maphelo a bona gore Ebangedi ye e  
kgone go phadima;  
Ba tswakile madi a bona, le baprofeta ba kgale,  
Gore Lentšu la Modimo la therešo le kgone go  
bolelwa ka potego.

Morago ba kgatlile Stefano ka matlapa, o rerile  
kgahlanong le sebe,  
O ba dirile ba befelwe kudu, ba phobeditše  
bjoko bja gagwe ka gare;

Eupša o hwile ka Moya, o neetše moya,  
 Gomme o ile go tšoena ba bangwe, lešaba lela  
 la go fa bophelo.

E rotha madi, ee, e rotha madi,  
 Ebangedi ye ya Moya wo Mokgethwa e  
 tšwetšepele e rotha madi,  
 Madi a barutiwa ba ba hwetšego Therešo,  
 Ebangedi ye ya Moya wo Mokgethwa e  
 tšwetšepele e rotha madi.

Disoulo ka tlase ga aletara, di a lla, “Botelele  
 gakaakang?”

Go Morena go otla bao ba dirilego phošo; (Go  
 dira metlae, le a bona. Oo, nna!)

Eupša go ya go ba ba bantši ba tla neelago madi  
 a bophelo bja bona

Bakeng sa Ebangedi ye ya Moya wo  
 Mokgethwa le lefula la yona le lehubedu.

E rotha madi, ee, e rotha madi,  
 Ebangedi ye ya Moya wo Mokgethwa e  
 tšwelapele e rotha madi,  
 Madi a barutiwa ba ba hwetšego Therešo,  
 Ebangedi ye ya Moya wo Mokgethwa e rotha  
 madi.

<sup>277</sup> A re retologeleng go dikologa, šišinyanang seatla seng bjale.

E rotha madi, ee, e rotha madi,  
 Ebangedi ye ya Moya wo Mokgethwa e rotha  
 madi  
 Madi a barutiwa ba ba hwetšego Therešo,  
 Ebangedi ye ya Moya wo Mokgethwa e rotha  
 madi.

<sup>278</sup> A le rata Morena? Morena a le šegofatše.

<sup>279</sup> Tate, re a rapela gore O tla šegofatša batheeletši ba, gomme  
 a nke ba ye gae ba hlalala. A nke ba tle Mothopong wo o  
 tladitšwego ka Madi, a a ntšhitšwego ditšikeng tša Imanuele. A  
 nke ba tlogele bokerek bjhohle bja kgale, le go tla le go amogela  
 Moya wo Mokgethwa. Re rapela ka Leina la Jesu. Amene.

Modimo a le šegofatše. Bošego bjo bobotse. Modimo a be le  
 lena.



*LESWAO LA SEBATA* NST54-0513  
(The Mark Of The Beast)

Molaetša wo ka Ngwanešu William Marrion Branham, setlogong o abilwe ka Seisimane ka Labone mantšiboa, Mei 13, 1954, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2023 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)